



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

K
iv
136^s

K
IV
136s

Stack



Leone Seidelhoff Schmalfeß


freifachungsmoll angezeigt

des Ansehens.

Otto Oestreich
1872.



3023180029



ORATIONIS
DE
HARUSPICUM RESPONSO
HABITAE
ORIGINEM TULLIANAM

DEFENDIT

GUSTAVUS LAHMEYER
DR. PHIL.

GOTTINGAE
SUMPTIBUS LIBRARIAE DIETERICHIANAE.
MDCCCL.

OFFICE OF THE DIRECTOR

BRITISH MUSEUM



BRITISH MUSEUM

12 DEC 1960

HAVERFIELD

BRITISH MUSEUM

V. CL.

CAR. FRID. HERMANN

DOCTOR PRAESTANTISSIMUS

CONSECRATO HOC COMMENTARIOLO

GRATAM

QUA APUD AUCTOREM VIGET

M E M O R I A M

PERSPICIAT.

10 17

RECEIVED - CIVIL - 1943

U.S. DEPT. OF JUSTICE

RECEIVED - CIVIL - 1943

10 17

U.S. DEPT. OF JUSTICE

RECEIVED

INDEX ARGUMENTI.

	Pag.
Status Caussae.	1—9
Caput I. Praemonentur nonnulla de altiore, quae dicitur, arte critica.	
§. 1. Wolfianae artis criticae imago universa.	10—21
§. 2. Via ac ratio altioris artis criticae recte exercendae.	21—24
Caput II. De argumentis, quae contra auctoritatem orationis facere videntur, confutandis.	
A. §. 3. De alio auctore indagando.	25—26
B. De argumentis ad Ciceronem auctorem reprobandum spectantibus.	
I. §. 4. De externis argumentis.	26—30
II. De internis argumentis.	
§. 5. De eis, quae ex orationis rebus historicis repetita sunt.	30—33
§. 6. De eis, quae ex neglectis sermonis legibus petuntur.	33—37
§. 7. De rationibus Wolfianis fraudes ex sententiis aut elocutione investigandi.	37—39
§. 8. De locis, quorum sententia Cicerone indigna putatur.	39—46
§. 9. De locis, ubi in elocutione orator peccasse dicitur.	46—50
§. 10. De nostrae orationis cum reliquis a Wolfio impugnatis similitudine.	50—51
Caput III. De argumentis, quae pro auctoritate orationis pugnant.	
§. 11. De externis veterum testimoniis.	52—54
§. 12. De internis argumentis.	54—61
§. 13. De nexu sententiarum deque dispositione orationis.	61—65

**STATUS CAUSSAE,
QUO DEMONSTRATUR, QUAE SINT HODIE QUIQUE
DISCREPENT SENTENTIAE VIRORUM DOCTORUM
IN ORATIONIS
DE HARUSPICUM RESPONSO ¹⁾
HABITAE AUCTORITATE DIJUDICANDA.**

Quemadmodum in Romanorum republica adolescentes, qui gloriam captabant viamque sibi ad famam popularem honoresque munire cupiebant, quo celerius exhibito ingenii eloquentiaeque specimine innotescerent, in eminentes Urbis homines, qui aliquam reprehensionis ansam praebere viderentur vel certe possent videri, acriter irruere eosque ob ficta haud raro vel admodum amplificata crimina in jus vocare videmus, ut ne integerrima quidem vita satis homines ab ejusmodi accusationum petulantia tueri posset; haud dissimile periculum novissimis temporibus in litterarum historia optimo cuique scriptori imminet, si quidem mox nulum fere scriptum erit, quod non unus saltem aliquando homo doctus immoderata addubitandi quidvis reprehendendique cupiditate incensus indignum eo, cui antea attributum erat, auctore censuerit animumque exercuerit in turpissimis ut ait ejus vitiis commonstrandis. Quippe acrem ingenii aciem probat putaturque gloriae haud mediocris, si quis primus, turbae clamoribus neutiquam commotus, quod omnes ante ipsum ut bonum probaverant ac vel laudibus extulerant opus, idem jam maculis minime negligendis inquinatum ostendit ideoque vel abrogandum fortasse ei scriptori, cujus tantummodo nomen famaue etiam de pravo opere, cujus auctor

1) Ita enim inscribendam eam esse, non ut assolet *De haruspicum responsis*, postea in Cap. II §. 4 ostendere studebimus.

ille esse ferretur, oculos virorum doctorum occaecavisset. — At firma ac gravia in ejusmodi re requiruntur argumenta, integerrimum judicium, studium diligentissimum, certa denique disputandi ratio, ne ipsi nobis difficultates paremus, quae nullae sunt, nodumque quaeramus in scirpo; et id potius semper operam dare debemus, ut remotis, si quas initio deprehendisse videmur, minoris momenti offensionibus nihilo minus genuinum opus, quod historica certe auctoritate nitatur, ac probum esse intelligamus; qua de re tum demum desperandum erit, cum offensiones illas atque vitia ita comparata esse apparuerit, nullo ut pacto nobis cum illo, qui antea perhibebatur, scriptore cohaerere posse videantur.

Ac profecto BENTLEJUS V. Cl. in Phalarideis, quae dicuntur, epistolis convincendis optimum ille quidem altioris, quam vocant, artis criticae exemplar discipulis suis prae-buit: hi vero, ut omnino ferme Angli temere jurant in verba magistri, nihil antiquius habebant, quam ut non solum in unam hanc atque peculiarem illius sententiam sine dubio verissimam concederent, sed jam in aliis et ipsi scriptis veterum addubitandis vestigia summi magistri temere premendo sequi eum atque imitari studerent. Veruntamen pedissequi hi ac prope dixerim simiae Bentleji Bentlejano ingenio ne-tiquam erant instructi; ideoque incerto quodam rabidoque dubitandi pruritu inducti ne summis quidem scriptoribus pepercerunt illi, immo in ipsos hos acerrime ac fere incredibiliter grassati sunt, ut in quibus propter universam praestantiam ne levissimas quidem offensiones, quae non raro nullae omnino sunt, tolerare voluissent. Sic a Tullio TUNSTALLUS epistolas Brutinas ¹⁾ abjudicavit; sic quoniam in

1) de quibus in acerrimam nuper contentionem venerunt C. FR. HERMANN et AUG. W. ZUMPT; quorum cum superior («Vindiciae latinit. epist. Cic. ad Brutum», Gott. 1844, et «Zur Rechtfertigung des erhaltenen Briefwechsels zwischen Cic. und M. Brutus» in Abh. d. Gött. Gesellsch. d. Wiss. T. II, 1845) vindicasset eas rursus ad Ciceronem, carp-tus propterea a ZUMPTIO, paullo post etiam «Epimetrum vindic. Brutin.» (Gott. 1845) scripsit, ad quod et ipsum idem respondit ZUMPT in Berl. Jahrbh. f. wiss. Krit. 1845, Nr. 91—94. Cf. etiam LIEBEKÜHN in Jen. Allgem. Liter. Zeit. 1846, p. 1179—82.

Ciceronem semel impetus directus erat, eundem mox a. MDCCXLV in animadversionibus Anglice scriptis ¹⁾ MARKLANDUS quattuor orationibus tanquam summo oratore indignissimis liberavit, quae habitae a Tullio putarentur » *Post reditum in senatu et ad Quirites, De domo sua apud pontifices, De haruspicum responsis.* » Non ille quidem spurias eas esse MINBLETONO ²⁾ persuasit, non ROSSIO ³⁾, non aliis vixis AELII sermonis gnarissimis ⁴⁾; quid quod GESNERUS V. Duobus (a. MDCCCLII et IV) praelectionibus doctissimis ⁵⁾ nomen Tullianum ejusque dignitatem impugnatis illis orationibus magna cum industria restituebat, ejus quidem argumentis validissimis verissimisque MARKLANDUS, totius hujus litae auctor, fortasse ⁶⁾ ne ipse quidem diutius resistebat! — At alius dimidio post saeculo (a. MDCCCI) vir doctus, multo majoris quam MARKLANDUS, majoris etiam quam GESNERUS auctoritatis, FRIDERICUS AUGUSTUS WOLF in illius locum successit Anglique hominis rem jam desperatam contra populearem suam novis argumentis defendit ⁷⁾; immo etiam longius processit ac praeterea etiam Tullianam pro Marcello orationem, quam nemodum addubitaverat, consimili modo ut indignam Cicerone rejiciendam petnliari editione ⁸⁾ perstrinxit. Quid miram, quod res, quae jam conclamata videbatur, Wolfiano nomine sustentata denuo tunc aciem virorum doctorum in se vertit! nec deerant mox, qui

1) quae laudat WOLF in ed. p. VIII et IX; idemque etiam repetit, ordine tantum paullulum immutata et ibi Latine sermonem conversas (v. p. XXIV), in ed. p. XLVII—LXXX et in notis singulis.

2) V. WOLF p. IX.

3) ib. p. X sq.

4) ib. p. XIV sq.

5) ib. p. XVI sq. » *Cicero restitutus* ». Repetitae, ordine tantum (v. p. XXIV) paullulum immutato, apud eundem WOLF p. LXXXI—XCIX et in notis editioni subjectis.

6) V. WOLF p. XVIII*).

7) in *Edit. quatuor illarum orationum*, Berol. 1801, ubi etiam MARKLANDI et GESNERI disputationes repetendas curavit; quare in harum quoque singulis locis laudandis simplicitatis causa Wolfiana potissimum editione utendum nobis esse videbatur; id quod jam hic praemonemus, ne quem notae insequentes offendant.

8) » *Ciceronis quae vulgo fertur or. pro Marcello*, 1802.

sententiae Marklandianae a Wolfio probatae jam et ipsi cum magno clamore adstipularentur. Sic censor ¹⁾ editionis Wolfianae in Allg. Lit. Zeit. 1802 n. 98; sic Beck in Excursu critico ²⁾ (Ed. Cic. IV, 4, 1807, p. 612—627), ubi repetit fere Marklandi et Wolfii argumenta paucis ad Gesnerum refellendum adjectis; sic Schürz in suis In Ciceronis quae vulgo feruntur orationes . . . Prolegomenis (Ed. Cic. VIII, 3, 1846, p. III sqq.; apprimè p. XXV—XXX, ubi paucissima hab. de quaestione affert; cum p. X continet lectores ad ipsum Wolfii librum ablegare maluerit, quam excerpere illum); sic denique Nonne in editione sua ³⁾. Hi cum omnino prorsus cum Wolfio facerent omnesque simpliciter, quas ille impugnaverat, orationes quinque et ipsi a Tullio abjudicarent, alii postea non pauci exstiterunt, quide uno certe, quod nostrae potissimum disputationi subiectum est, scripto ⁴⁾ quod agit *De haruspicum responso* cum Wolfio consentirent:

ut BEIER ad Cic. De offic. II, 1821, p. 116 («Pseudo-Cic. de harusp. resp.»);

ut MADVIG, De Asconii commentariis, 1828, p. 76;

ut BERNHARDY, Grundriss der Röm. Liter. 1830, p. 298; deinde qui in Editione ipsa (1826) certe inter dubia scripta orationes illas rettulerat, Orelli postea ⁵⁾ nostram orationem in Onomast. Tull. 1836, I, p. 68, not. ¹⁾ simpliciter spuriam appellavit;

tum AMBROSCH, Studien und Andeutungen im Gebiete des altröm. Bodens und Cultus, 1839, I, p. 71;

1) Aliorum virorum doctorum de Wolfio iudicia v. apud Beck in ed. Cic. 1807, IV, 4, p. 614, not. 7).

2) Cf. p. 614 »Divisa est omnis de his orationibus disputation in tria capita, quorum I. de externis quae appellantur *argumentis*, quibus harum orationum fides defenditur; statuendum; II. num. omnino probabile sit, has orationes sub Ciceronis nomine fingi potuisse, quaerendum; III. de internis rationibus, quibus spurias esse conficitur, exponendum est.

3) quam inspicere mihi non licuit, cum in bibliotheca regia Gottlingensi non exstaret illa; neque vero desiderare me eam admodum ingenuè fateor.

4) de quo vide etiam MARKLAND p. LXX sqq.; GESNER p. XCVI sqq.; BECK p. 625 sqq.; SCHÜTZ p. XXV sqq.

5) V. jam BÄHN, Gesch. der Röm. Litt. 1832, §. 255, not. 19).

HAASE ad Reisigs Vorlesungen, 1839, p. 476, not. 441)
 (den Verf. der Rede de har. resp.);
 ZERES, Röm. Alterthumskunde, 1643, p. 505, not. 6)
 (Declam. de har. resp.);
 FREUND, Wörterbuch der Lat. Sprache, Vol. III, 1845,
 s. v. pontificatus; s. v. postulatio II, A; p. 938 in.
 (Auct. Harusp. resp.).

Quamobrem quoniam minime is sum equidem, qui tot tantorumque virorum doctorum auctoritatem temere spernendam existimaverim, non sine magna verecundia et ipse aggressus sum quaestionem, cui eadem illa oratio subjecta est examinanda, quae non modo plurimis iudiciis derogata Ciceroni, sed vel inter spurias ipsas una fere omnium pessima¹⁾ declarata est. Poterat etiam illud me a proposito aliquatenus detertere, quod haud immerito summi viri²⁾ omnino paucos esse omni tempore dixerunt, qui talem causam cognoscere operae pretium putarent; pauciores qui id facere possent; sed qui eidem et vellent et possent, longe paucissimos. Cum vero antea non licuisset omnino a quaestione illa extrinsecus primum mihi oblata recedere; jam posteaquam in solvendam eam cum studio ac diligentia et aliquo spero fructu incubui, ultro iudicium meum, quaecunque censebitur, cum viris doctis communicare audebo, non quo venditem illud pro vero, utique ac perfecto, sed quia aliquid certe me ad verum indagandum litterarumque historiam promovendam attribuisse spero. Namque hoc saltem, quod potui, praestare studui, ut integerrimo iudicio, nulla praecoccupatus opinione, quae summa in ejusmodi disquisitionibus lex est³⁾, totam causam animo perpenderem et quicquid inde concludendum mihi videretur, nulla neque timoris habita neque gratiae ratione, ingenuè profiterer.

Atqui quo saepius orationem nostram legi atque relegi, quo recentioremi mihi interioremque cum Cicerone oratore familiaritatem contrahere studui, non potui non eo certius

1) V. MARKLAND p. XLVIII et XLIX. Cf. etiam BECK p. 626 infra; SCHÜTZ p. XXVI et XXX.

2) WOLF p. XIII sq. et p. XLIII; GESSNER p. LXXXI sq.

3) Cf. etiam WOLF p. XLIII; MARKLAND p. L.

mihi persuadere revera Ciceronianam illam esse. Acriter sane circumspexi, num quae vitia graviora Tulliove indigna invenire possem; comparavi alia scripta genuina; sed compluribus, quae ante nostram, omnibus, quae postea a Tullio habitae sunt, orationibus accuratissime perfectis collatisque ¹⁾ hoc mihi luce clarius esse videbatur, et nostram et quae arte cum ea cohaerent reliquas orationes Wolfianas temere a viris doctis Ciceroni derogatas esse. Summorum mihi quidem eruditissimorumque hominum iudicium refellendum est: at enim, ut consentaneum est ²⁾, haudquaquam arroganter aut impie ipsis detrectabo, qui ob plurima sua merita suspiciundi potius sunt atque colendi, sed opiniones impugnabo, rem agam, solam spectabo veritatem. Nimirum ut ipsius ³⁾ tela in Marklandum retorqueamus, summi illi erant, homines tamen; hominumque est errare, non solum in verbis legibusque sermonis ⁴⁾, verum etiam in sententiis iudiciisque rationis.

1) nam quod in ejusmodi quaestione iudice requirit Beck p. 620 »Quam vim ea res habeat, sensu suo is demum perspecturus recte est, qui recens ab accurata lectione optimarum Ciceronis orationum ad has declamationes accesserit,« — hoc ita demum recte habet, si non ad optimas tantum, sed ad omnes simpliciter orationes iudicium fertur.

2) Cf. etiam GESNER p. LXXXV; WOLF p. XXVI.

3) p. LII, quae sumpsit fere ex Quintil. 10, 1, 24.

4) Nam eidem illi, qui vel minima dictionis vitia in orationibus eis anxie pervestigarunt, in suis verbis haud levia interdum peccata contra elegantiam puritatemque sermonis commiserunt, propter quae ex illis certe, quas in Cicero reprehendendo secuti sunt, artis criticae legibus sua sibi ipsi scripta derogarent jam necesse esset. Sic, ut pauca tantum afferam, dicit Beck p. 624 »non existimari potest«; p. 615, 10) »sors ex quo quisque suo modo peteret«; SCHÜTZ p. 332 »sperare ut ..., qui abjiciant« pro Acc. c. Inf. et »abjicerent«; porro ipse quid (p. 309) Gesnero exprobravit, quod dixerat hic »quidam potuit«, Wolf p. XLIII et p. 321 »dubito an« pro »dubito numq., et »si modo« pro »admodum«; idem p. 310 (vel KLOETZ in ed. ad stipulante) lectionem »aut«, pro qua saltem »an« scribendum erat, defendit; porro p. 372 »graviter quidem« scribit, cum tamen quem impugnat orator multo elegantius »equidem« dixisset, pro »nullo« denique legimus p. 368 »nemine«, quam formam minime Ciceronianam etiam ORELLI (Ed. Cic. Tom. III, 1845, ad Ep. Fam. I, 10, vers. 40 »mirum ni scripserit Tullius: cognoscere a tuorum nemine«) Tullio obtrudere voluit.

Accedit porro quod, licet Wolfius ¹⁾ fore conjecerit, ut sorderent mox orationes nostrae, apud eruditos quidem cito, apud imperitos certe aliquot post aetatibus, nihilo minus neutiquam omnes adhuc viri docti ei assensi sunt; immo aequè multi eique et ipsi satis idonei ad hanc litem dijudicandam arbitri etiam postea in orationibus illis acquieverunt tanquam genuinis, Gesnerum potius quam Wolfium secuti. Sic jam WEISKE (Ciceronis orationes XIII selectae, 1807) p. VI—XIV sano de tota hac quaestione iudicio utitur, etsi non tam de nostra ille oratione, quam de duabus Post reditum habitis et de Marcellina agit; porro SAYELS ²⁾ (De vindicandis Ciceronis quinque orationibus, Colon. 1828); sic O. MÜLLER, *Etrusker*, II, 1828, p. 6, not. 16) «Cicero [*ich setze den Namen mit Vorbedacht*] de har. resp.», et p. 23, not. 11); deinde HAND (in Hall. Encyklop. XVII, p. 221 sq.), qui orationes Ciceronianas illas quidem existimat, attamen non satis perpolitae alienaque manu hand raro interpolatas, ita ut auditores fortasse exceperisse verba Tulliana nec recte reddidisse viderentur; porro STÜRENBURG ad Cic. pro Archia, 1832, p. 153, qui nostram certe orationem Ciceroni tribuit; tum DRUMANN, *Geschichte Roms*, II, 1835, p. 331; V, 1841, p. 471 ³⁾ et p. 702; similiter LUCAS, *Quaestiuncularum Tullianarum specimen*,

1) p. XXXVIII not.

2) Tria demonstranda sibi proposuit SAYELS (cf. pag. VI): 1) Scripsisse et edidisse revera Ciceronem de eisdem argumentis orationes; 2) *Veterum testimonia* usque ad Priscianum confert; 3) Nihil inesse probat quod Cicerone indignum sit. In his repetit fere argumenta Gesneriana. In singulis autem locis percensendis ita deinde versatur, ut eos tantum tractet (p. XXI), qui a Beckio ut vitiosissimi notati sint, ut vel hos vitii omnino vacare et a Ciceronis eloquentia minime alienos esse intelligamus. Hinc vero factum, ut ex nostra oratione (de qua v. p. XXXIV—VI) quinque tantum locos in examen vocaret eosque haudquaquam praecipuae difficultatis, sed satis simplices. Quod autem (p. XXI) pollicitus est brevi tempore commentarios in singulas orationes sua opera prodituros, in quibus ne tenuissima quidem suspicio neglecta esset, huic promissio, quod equidem sciam, nondum stetit vir doctus.

3) ubi non omnes ait a se rationes ablatas esse, cur genuinas existimaret orationes illas; cui quidem desiderio utinam satisfaciat mox vir doctissimus!

Hirschberg. 1837, 4. ¹⁾); deinde Klotz et in editione ²⁾ sua (Cicero's Reden, T. III, 1839) et vero etiam in Handbuch der Lat. Litter.gesch., T. I, 1846, p. 25 sqq.; denique etiam Bähr in Geschichte der Röm. Litter. II, 1845, p. 276 nobiscum potius facere videtur ³⁾), cum antea idem in altera illius libri editione (1832, p. 521) Orellio adstipulandum esse censuerit; neque minus nostrarum partium est C. Fr. Hermann, Gesammelte Abhandl. u. Beiträge zur class. Literatur und Alterthumskunde, Gotting. 1849, p. 35, not. 46).

Non mediocriter gavisus sum, ubi tanta tot hominum Ciceronianae dictionis atque iudolis cognoscendae peritissimorum auctoritate sententiam meam vidi corroborari. Immo mox sólo fere Wolfiani nominis pondere effectum esse intellexi, ut recentiores aliquot de orationibus nostris dubitarent. Scilicet Marklandus, qui identidem ⁴⁾ in idoneis huius quaestionis arbitris interiorum usus Tulliani notitiam requirit, ut ex multis locis apparet, ipse non novit Cicero-nem ideoque ne ipse quidem satisfecit necessario illi postulato. Recentiores vero, ut ita dixerim, *evocat* omnes

1) Hoc neque ex bibliotheca regia Gottingensi, nec per bibliopelam nancisci potui. Cf. autem JAHN Jahrb. 1837, XIX, p. 363.

2) Cf. pag. VIII. »Für die, welche mit vorurtheilsfreier Prüfung an die Sache gehen, glauben wir in den beigegebenen Erläuterungen die Aechtheit dieser 4 Reden genugsam erwiesen zu haben.«

3) »Indessen, inquit, wird man sich aber auch (vgl. §. 281 not. 5) das Gewagte, das insbesondere in dem Widerspruche mit den bestimmten äusseren Autoritäten des Alterthums, welche für die Aechtheit dieser Reden sprechen, liegt, so wie die grosse Unsicherheit und das Schwankende, das in den wider die Aechtheit der Reden in sprachlicher, wie in sachlicher Hinsicht vorgebrachten Gründen liegt, keineswegs verhehlen dürfen: man wird auch nicht in allen Reden Cicero's die gleiche Stimmung, wie die gleiche Ausführung und Vollendung erwarten und nicht in jeder Abweichung von dem sonst Gewöhnlichen etwas Fremdartiges, Unciceronianisches finden wollen, sondern im Gegentheil mit aller Vorsicht hier zu verfahren haben, um nicht, bei dem Mangel aller positiven Gründe und im Widerspruche selbst mit äusseren Autoritäten, ein Verdammungsurtheil auszusprechen, das bis jetzt noch nicht gehörig und vollkommen begründet scheint, um die Aechtheit dieser Reden völlig aufzugeben und in ihnen selber Producte der blossen Schulberedsamkeit der nachfolgenden Periode anzuerkennen.«

4) ut pag. XLIX., pag. I.

ferme, excepto fortasse Madvigio, cum neutiquam ipsi paullo diligentius rem exploravissent, temere statim Wolfii exemplum secuti sunt, cum eidem, nisi hic fuisset, in Gesneri sine dubio defensione acquieviscent. WOLFIIUS autem ipse quomodo ad suam sententiam delatus sit, nescio; praejudicata impeditus opinione accesserit ad hanc disceptationem necesse est; quo factum est, ut haud raro res plane manifestas aut non videret omnino, aut si videret non recte videret: nimiram dormitavit interdum etiam bonus HOMERUS. — Itaque quoniam et ipse ¹⁾ dubito num causa nostra adeo impedita et difficilis sit ad iudicandam; modo iudices fuerint ab omni cupiditate remoti, prompto jam animo orationem nostram in examen vocabo et, quanquam multo difficilius esse sanare vulnus quam infligere probe scio, pro virium certe modo, quae ipse sentio, aliis quoque probare studebo.

Ceterum ut hoc praemittam, ipsorum hostium ut ita dicam castra digrediuntur, dissidentque inter se quodammodo partium adversariorum duces; nam cum MARCLANDUS (p. LXXVII) a falsario nescio quo, orationibus illis sub Ciceronis nomine editis, mox in fraudem inductum ASCONIUM, postea QUINTILIANUM et ARNOBIUM putavisset, WOLFIIUS contra, raro accidisse, ut imitator scholasticus edendis, ejusmodi scriptis ludere homines doctos vellet, arbitratus ²⁾, quae a PEDIANO, QUINTILIANO, aliis laudarentur *De domo et De haruspicum resp.* ³⁾ orationes non esse fortasse omnino easdem, quas hodie in manibus haberemus, existimavit eam, quae nobis conjecturam propinavit, ut, ipsius quidem Ciceronis orationibus deperditis, miscrum postea aliquem rhetorem eisdem de argumentis miserrime declamavisse censeret ⁴⁾.

Veruntamen priusquam et ipsi qui factum sit perquiramus, ut Ciceroni huiusmodi oratio tribueretur, antea sine dubio altera profliganda est quaestio, in qua cardo rei vertitur, nobis et ipsis utrum ab iudicanda omnino illa a TULLIO videatur necne. Hinc igitur initium capimus.

1) cum WOLFIO pag. XLIII.

2) Cf. ejus Praef. ad orat. MARCELLI p. XXVIII.

3) Haec certe de oratione, quae admodum historica esse videatur, ad stipulatur WOLFIO etiam censor in Allgem. Lit. Zeit. 1802, n. 98, p. 6.

4) Cf. pag. XX; pag. XXXIX sq.; p. XLIV. Ad stipulatur BECK p. 615, not. 9; MADVIG l. l. p. 76; Vide contra SAVILE l. l. p. XX.

CAPUT PRIMUM.

PRAEMONENTUR NONNULLA DE ALTIORE QUAE DIGITUR ARTE CRITICA, ET QUOMODO ABUSI EA SINT WOLFIANI, ET QUOMODO VIA AC RATIONE INSTITUENDA VIDEATUR.

§. 1. *Universae, qualem Wolfius in Cicerone exertuerit, artis criticae, quae specie tantum internorum argumentorum, nequaquam firmis fundamentis nitatur, imago exhibetur.*

Non ineptum videtur antea quam ad singulas rationes, in quibus Wolfius offenderit, percensendas accedamus, generalem quandam universae qua usus est ille artis criticae imaginem exhibere; qua perspecta facilius mox intelligemus, qui fieri potuerit, non solum ut Marklandus, sed ut Wolfius vir summus tam saepe mirum prorsus in modum occaecatus res vel apertissimas non dispiceret: non mirabimur deinde, si consimili iudicio ¹⁾ etiam Tacito pulcherrimam Agricolae vitam derogatam videmus; non mirabimur denique, quod Ciceroni non modo aliae multae orationes, sed ab eodem Wolfio ²⁾, quocum nos nunc agimus, etiam Tulliana ad Caesium epistola (Famil. II, 14), quam nemo addubitat, cum in alienum forte locum in uno codice irrepsisset, similibus argumentis exagitata abjudicataque ac vel Brutiis quae vulgo Ciceroni tribuerentur epistolis postposita est. Quid? si ad vivum rem resécate vellemus, nonne hoc unò rationis suae specimine luculentissimo se ipse jam Wolfius optime refutavit? nonne satis hinc apparet, quantum ponderis atque

1) quod edidit Hertz, Comm. de Agricolae vita quae vulgo Tacito assignatur, Schweigh. 1845. Vide contra HALM censuram in Heidelb. Jahrbh. 1846, p. 590—610.

2) in Litter. analect. IV, p. 381. V. etiam SAKELS p. V. not. 12).

momenti gustui, ut ita dixerim, illius iudicioque parum firmo in dirimendis rite ejusmodi controversiis tribuendam sit?

Nolumus autem nos eam disputandi viam ingredi; expone-re potius conabimur, quae illa sit iudicandi ratio, quae tantos possit errores committere. Haec vero primum eo plerumque vitio laborat, quod ad pravam ab initio normam iudicium suum dirigit. Scilicet quamvis multa illius aspec-tae ac grandia verba de peculiari scriptoris alicujus indole interioreque ejus quasi natura cognoscenda faciant, nemi-quam tamen ipsi id agunt, ut accuratae cum considerationi subjiciant omnesque ejus non solum virtutes sed etiam vi-tia indagent; immo universam quandam summam perfectio-nis imaginem cogitatione sibi informant, et vel in hac con-stituenda recentiorum potius temporum quam antiquorum indolem respiciunt; ideoque mox omnia, quae nobis nunc non prorsus perfecta esse videntur, vetere scriptore indigna censere, et, si plura ejusmodi reppererint, totos libros illi derogare coacti sunt, quasi omnia quae a veteribus profecta sint omnibus numeris absoluta esse necesse sit, immo etiam nostro gustatu. Jure autem imprimis tria requiruntur in eo, qui de veterum litteris judicare velit 1); ut rite intelli-gat; deinde ut deponat omnem turbam opinionum hodie-rarum (quibus qui circumseptus et inclusus est, vix pro-babit ea quae artissime cum illius aetatis sensu et iudicio conjuncta ex eaque apta sunt); postremo ut in ea inciderit, quibuscum indole et natura conspiret ipse.

Facilia sunt illa quidem ad intelligendum 2); nec vero aeque facilia ad exercendum, praesertim quod postulatur, ut non tam ex nostratium quam ex veterum auribus atque in-genio scripta veterum examinemus, cum tamen hoc maxime in iudicio de oratoribus antiquis ferendo firmiter tenendum sit. Scilicet alia tum placebat eloquentiae species, alia nunc; quod qui non reputant secum, ne Ciceronis quidem veram imaginem animis suis proponere possunt 3); offen-

1) V. BAKE, Scholastica hypomnemata, Tom. I, 1837, p. 2 sqq. et 31 sqq.

2) et si ne inflexit quidem MANNING; v. p. LIII «Omnes et tem-poribus et locis eadem sunt praecepta perfectae eloquentiae.»

3) Praeclare hoc de re monuit MADVIG, Opus. Acad. 1834, p. 192,

dantur hi accessere est, in oratore; si iactat se in illecebris fulminibusque orationis (Ep. ad Att. 4, 14), si periodorum ambages aucupatur, si sonum quaerit et numeros, si paucos locos dimittit nisi exhausta uberrima verborum figurarumque copia¹⁾; multa denique nunc declamatoria putanda, quae veteribus vere oratoria videbantur. Quanquam nos quidem proprie ex novissimo demum tempore de orationibus publicis, ac praecipue de eis, quae ad maiorem hominum mixtamque multitudinem habentur, recte judicare possumus; si quidem antea experientia prorsus hac in re caruimus, doctis autem experti saepe doctiores sunt.

Verum etiamsi, ut par est, ad veterum sententiam te accommodaveris, ne sic quidem neque Cicronem licet neque aliam scriptorem vitiorum praerans immensem fuisse censere; immo in eo cernitur vera hominis vel rei admiratio, ut affingere ei quicquam velis neque nimium ei tribuere; quocirca bene meruit de ipso Cicrone BAKIUS, quod peculiarem dissertationem²⁾ scripsit de oratoria ejus indole deque nimia apud vulgus atque immoderata ejus praedicatione. Omnino nequaquam omnia utique pariter perfecta sunt summorum hominum dicta, scripta, facta; et ipsi homines sunt, et ipsi vitiis erroribusque obnoxii, quantumvis licet inter ceteros emineant³⁾; neque Cicero etiam sibi hoc,

not. 1) »Ciceronem perfectum esse oratorem statuunt; quid autem sit Romanis perfectum visum, suo judicant sensu; quae displicent, Ciceroniana esse negant. Qui si totum Ciceronis scribendi genus libere considerassent, nosset multa Romanis oratoria visa esse, quae nobis declamatoria videantur, flumen ornatorum verborum, si logicorum severitas adhibeatur, turbidum saepe reperiri, argumenta multa et enthymemata et valde infirma poni, et eadem aliis atque aliis verbis repeti.« Cf. etiam EICHSTRÄDT, Specim. III de or. Catilin. p. 14; HEUSINGER apud BARDILI ed. Corn. Nep. Stavereniani, T. II, 1820, p. 406 sq.

1) Cf. contra v. o. MARKLAND p. LVIII »Vix usquam apud verum Ciceronem legitur vocem supervacaneam.«

2) Scholica hypomnemata, I, 1837, p. 1 sqq.

3) Rectissime hoc monuit jam Quint. 10, 1, 24; v. etiam DRUMANN, Gesch. Rom, V, p. 472; BAKIUS ad Corn. Nep. Them. 9, §. 1. »Auch die alten Schriftsteller haben ihre Gebrechen und Schwachheiten, deren Individualität und psychologischen Ursprung man weit eher aufsuchen soll, als sich erlauben, kleines mit grösserm Uebel zu verdrängen.«

non dico *posse* accidere, sed *actidisse* revera testari veracundatur¹⁾. Necesse est igitur familiaritatem in eas cum Ciceronis scriptis quam plurimis, etque contracta ipso deinde usu, quomodo scripserit Tullius, quomodo non, edoceas; ita idem cum veri similitudine aliqua, si quid postea a consuetudine illa nimis recesserit, suppositivum id esse concludere licebit.

Quoniam ne hoc quidem auxilio omnibus difficultatibus sanum iudicium liberatur, nam cum incipimus, si quid non aliis praeterea locis Tullianis legitur, statim abjudicamus, dum ab eo sit, plerumque ex universo potius scriptoris ingenio²⁾ atque ratione iudicium suspendendum est; hinc vero fit, ut saepissime summa hujus quaestionis ad interiorem potius animi sententiam et velut gustum quandam singulorum redeat³⁾, qui cum in diversis hominibus et ipse diversissimus esse possit ac soleat, nihil sane miri cernes in eo, quod non minus de latinitate proba ac vere Ciceroniana statim ab initio valde discrepaverunt iudicia⁴⁾, quam omnino de omnibus singulorum scriptorum virtutibus vitiisve; quid, quod exclamationes plerumque acerbiore⁵⁾, quarum crepitus inanis faciliorem sane, quam rationum severitas, pugnandi potestatem largitur, ipsorum plane argumentorum vir-

1) Cf. Ep. ad Att. 3, 12, 2 »Percussisti me etiam de oratione prolata. Cui vulperi, ut horribis, medere, si quid potes... Quia scripta mihi videtur negligentius quam ceteris, puta posse probari, non esse mihi. Id, si putas me posse sanari, curas velim; sin plane perii, minus laboro.«

2) Cf. etiam BAKE l. l. p. 32.

3) ut recte monuit GESNER p. XCI et XCVI; cf. etiam WOLF p. XLII (»illud nescio quida«); JOH. VON MÜLLER, »Werke«, VII, p. 159, ep. 363 »Nichts ist eitel, als die inneren Gründe, die sichere Kritik, wonach jeder jedem der grossen Alten ohne stolzes Zeugnis irgend eines Alten ein Buch abspricht, weil es ihm nun so dünkt; es ist rechter scandalöser Aberwitz.«

4) Cf. DRUMANN l. l. V, p. 471; BÄHA, Gesch. der Röm. Litt. II, 1845, pag. 276.

5) Cf. etiam ZUMPTIO assentiens C. FR. HERMANN, Vindic. Epimetr., 1845, p. 5. »His nullum criticorum genus magis obnoxium est arrogantiæ: nam quum ipsi sentire videantur, quantulum argumentis valeant, demirando et stultos appellando, si qui aliter judicare audeant, rationem quasi terrere ac vincere consueverunt.«

cem subisse apparet! Veluti quod primum et maximum nostrarum orationum vitium commemorat MARKLANDUS¹⁾, molestissimus ille taedique plenus omnium sententiarum verborumque languor, qui non tam argumentis demonstrari possit quam sentiri a singulis, aliorum prorsus fugit hominum aciem, qui tamen non minus vel etiam diligentius fortasse quam Marklandus in Tullio pernoscendo versati erant²⁾. Quid igitur, num fallaci ejusmodi sensui magna auctoritas tribuenda, si quidem aliis quoque praeter te ipsum persuadere studes?

Accedit porro, quod minime omnes Ciceronis orationes aequae perfectae sunt; immo et ipse sensum demum profecit et, posteaquam, depositis nonnullis antiquitatis vitiis, usu denique atque experientia optimum dicendi genus et cognovit et assecutus est, nihilo minus etiam postea nonnunquam paullo remissior erat in dicendo neque semper *praeseectum*, ut ait Horatius, orationes *castigavit ad unguem*³⁾. Itaque nullo pacto solae orationes praeclarissimae⁴⁾ firmam rectamque in critica exercenda iudicii nostri normam efficient, sed omnes omnino et superioris et inferioris ordinis adhibendae sunt. Quid, quod facile fieri potuit, ut nonnullae, quas etiam nunc habemus, orationes neutiquam ab ipso Cicerone ederentur, sed habitae illae quidem revera a Tullio, ab aliis, qui calamo tantum exceperant eas, deinde proderentur⁵⁾? In his igitur accidisset, ut non modo ultima quasi lima, qua scriptas orationes antequam ederentur perpolire solebat Cicero⁶⁾, destituerentur, verum ne ipsa quidem oratoris verba quamvis velociter notis excepta prorsus integram posset ac fidam totius orationis imaginem praebere, sed mul-

1) p. LVIII; cf. etiam WOLF p. XXXV.

2) Cf. v. c. GESNER p. XC sqq.

3) Cf. Tac. (nam equidem sine ulla dubitatione Tacito tribuerim) Dial. de or. c. 22; v. etiam BAKE I. I. p. 27; BÄHR I. I. p. 276 »Man wird auch nicht in allen Reden Cicero's die gleiche Stimmung, wie die gleiche Ausführung und Vollendung erwarten.«

4) ut BECK voluisse videtur in Ed. p. 620.

5) quanquam BECK p. 622 putat, non fuisse hoc Ciceronem concessurum (!).

6) ut scimus de Miloniana; cf. etiam Cic. ad Att. 1, 13, 5.

lis erroribus interspersis mancas haud raro sententias posteriorumve interpolationes exhibere videntur ¹⁾).

Immo ut nemo sine vitiis nascitur, ita ne optima quidem illius scripta plane integra sunt labisque expertia; vel in eis, etiam a notis caussidicorum artibus fallaciisque, quibus etiam Cicero de industria interdum usus est ²⁾, prorsus discesseris, v. c. historicos errores deprehendere poteris; qui siue memoriae lapsu ³⁾ siue inscientiae tribuendi videntur, nihil certo contra Ciceronem auctorem probant, ut qui et ipse erroribus obnoxius fuerit ⁴⁾.

Quodsi WOLFIDUS (p. XXXVII) errorum peccatorumque in historia animadversionem manifesto pro se pugnare atque etiam indoctissimis assensum eripere censet, ad solos equidem id homines indoctissimos stultosque restrinxerim: nam revera hoc sic demum concedi potest, si per certas firmasque rationes Ciceroni illa imputari non licet neque vero solum ad sensum rursus singulorum hac in re provocatur. — Non magis autem omnino negligentia vel obscuritas verborum spurias praeferit orationes: quid enim, cum jam supra Ciceronem non omnibus potuisse orationibus extremum perpoliendi laborem adhibere monuerimus, nonne negligentiae indiligentiaeque exempla haud raro ad extemporalem potius summi oratoris impetum vehementiamque referenda erunt, quam ad umbraticam rhetoris qui *caussas rasis*, ut ait Persius, *librat in antithetis* anxietatem ⁵⁾? Labori ejusmodi rhetores parcere nulli solent; immo vel putidam, ubicunque causa admittit, in levissimis rebus diligentiam prodere stu-

1) Cf. HAND in Hall. Encykl. XVII, p. 221 sq. de nostris orationibus; etiam BÄHR l. I. §. 281, not. 5), p. 262.

2) Hoc praeterdidit MARKLAND p. LXXIV. Sed cf. Cic. pro Cluent. 50; etiam GESNER p. XCVII sq.; KLOTZ, Cic. Reden, III, p. 988 med.; SAVELS p. XV, not. 24).

3) nam *μνηστικὸν* quidem *ἀμαρτημάτων* (cf. Cic. ad Att. 13, 44, 3) ne Wolfianus quidem Cicero immunis est; v. WOLF p. 337.

4) V. DRUMANN, Gesch. Roms, V, p. 474.

5) Ergo ex eo ipso, quod v. c. De har. resp. 17, §. 37, p. 357 accumulare verba voluit auctor, quae se quaerenti minus opportuna praebebant, concludere debebat WOLFIDUS, non otii domestici exercitationis-que scholasticae istam orationem esse, sed ab oratore simul et excogitam et habitam esse videri.

dent; quocirca ne obscuritate quidem verborum simpliciter semper vestigia inepti alicujus rhetoris significantur. Quin sunt quae in oratore, quamvis magno multo facilius excusari possint ac defendi, quam in rhetorum commentis: nam cum orationes non tam legi scriptae, quam audiri inter dicendum velint; cum oratores, ubi verba faciunt de causa aliqua, non id agant, ut omni posteritati praeclara bene dicendi exemplaria largiantur, sed suo potius tempori ejusque rationibus prospiciant, haudquaquam aegre ferendum, si eis interdum verbis quid sentiant exposuerint, quae nobis obscuriora esse videantur, dummodo melius illi, magisque perspicue pro temporum suorum aequaliumque captu atque intelligentia loenti sint. Ipse igitur quasi ascium sibi in crura impingit; quod ejusmodi quoque argumentis probare vult WOLFIIUS¹⁾, orationem nostram non esse vere Ciceronianam; quanquam omnia ferme ejus argumenta vim habent nihilo majorem.

Hoc vero jam ex antegressis intellectum esse spero, MARKLANDUM et WOLFIIUM nulla omnino, qua tamen imprimis opus est, certa via ac ratione usos esse, sed libere per patentem quasi argumentandi campum vagatos in argutiis plerumque dumeta correpsisse, ita ut singulae eorum rationes per se spectatae statim corruerent, nihilo minus magna earum multitudo undique collecta primo obtutu commovere lectorem ac pellicere posset²⁾. Quippe ancipiti illi

1) veluti De har. resp. 27, §. 59, p. 386, ubi pro sua sententia pugnare, ait verba GARATONII »Nisi, quatenus res ista esset, aliunde scires, Clodium Byzantiorum urbem diripuisse crederes; cum tamen hoc ipsum pro auctoritate potius orationis pugnet, si quidem aequales Ciceronis bene intelligebant, quid sibi vellet, rhetori contra posterioris temporis neutiquam ita scribere licebat. V. jam Klotz in Ed. ad h. l.

2) Hoc bene sentiens SCHÜTZIUS, partium ille quidem potius, quam veritatis studio ductus: »Omnia tenendum est, inquit (pag. VIII), in hac de orationibus istis disputatione, nihil agi singulas aliquot reprehensiones convellendo (v. contra DRUMANN l. l. p. 474 »Dies sind Einzelheiten; allerdings; aber das Ganze besteht aus Einzelheiten.«), etiamsi id cum quadam veri specie fieri posset, sed universum tot argumentorum, quae orationes istae in suspicionem fraudis adducant, inter se conjunctorum firmamentum et robur spectandum esse.« Hac vero ratione quidvis cuivis equidem probaverim!

gladio in scripta, quorum originem in dubitationem adducere student, plerumque invehuntur: si qua non alio praeterca loco Ciceroniano pari modo expressa vel repetita sunt, ecce manifesta rhetoris miseri vestigia! contra si quid revera in aliis Ciceronis scriptis recurrit, quid aliud nisi tristissima Ciceronianorum locorum compilatio ¹⁾?

Profecto non admirandum, quod hac via usus vel summus vir sensim pedetentimque in iudicium delapsus est, quod sana disquisitio mox debile prorsus et fallax esse intelliget: nam si revera praestantiores non minus quam peiores orationis alicujus loci contra Ciceronem auctorem testarentur, nihil sane restaret, quo vel in optimis orationibus nomen Ciceronianum tueri possemus: nec enim quicquam humani omnibus partibus aequè perfectum est: Intelligunt quidem et ipsi illi, ita nihil fero se, quod probari possit, reliqui facere, ideoque WOLFIIUS ²⁾, ne Ciceroni verba jam simili in occasione pronunciata repetere postea licuisse prorsus negare videretur, compilationem illam rhetorum posteriorum multum diversam esse ait a fortuita priorum dictorum repetitione. Sed qui tandem singulis locis inter temerariam ejusmodi quasi rapinam interque simplicem repetitionem discernas? Sunt sane notae, quibus propria vel etiam prorsus communia ab eis, quae quis aliunde imperite sumpsit surripuitque, internoscas; sed hae, nisi frons plane manifesta fuerit, plerumque rursus diverso singulorum sensu nituntur nec ita comparatae sunt, ut cuivis statim de veritate earum perquam sit. Qui igitur jam sequitur, necesse esse falsarius ea, quae nostrae orationi cum aliis communia sint, ex Pisoniana et Sestiana suffuratus sit ³⁾; non vero ipsum

1) Cf. GESSNER p. XCII et p. 308; DRUMANN, Gesch. Roms, V, p. 473 »Abschreiber und Dolmetscher tragen die Schuld, wenn in Reden, die für ächt gelten, die Critik nachhelfen muss; bei den andern beweisen ihre Sünden, dass das Ganze von einem Rhetor stammt, und die unedelhaften Stellen bestätigen es, denn diese hat man aus den ächten verloren oder aus den übrigen entlehnt, um mit mehr Sicherheit zu täuschen.«

2) p. XLIII et p. 308, probante BECK l. l. p. 619. Cf. etiam MARKLAND p. LXI:

3) ut putat ORELLI, Onomast. Tull. I, p. 68, not. 1), sec. MARKLAND p. LIV; BECK l. l. p. 627.

Ciceronem similia argumenta persecutum similibus etiam verbis usum esse? Neque repperi apud Wolfium, neque ipse indagare potui ulla hujus necessitatis indicia; immo nihil aliud videmus, nisi id quod prorsus consentaneum est in oratore, qui non nova semper sententiarum suarum specie allicere auditores, sed ipsa re veritateque commovere eos studet, ubi saepius in diversisque concionibus ¹⁾ de eisdem agendum erat rebus, temporibus, hominibus, multa, quae jam prius in alia oratione dicta erant, jam in simili causa simpliciter repeti; quos quidem locos si Wolfius pannos statim tristi rhetoris opusculo misere assutos existimat, eodem modo ne Pisonianam quidem orationem revera Ciceronis esse probari potest, sed ab imitatore ejus ex Sestiana aliisque compilatam, vel Sestianam ex Pisoniana et nostris orationibus, vel aliam ex aliarum locis compositam ²⁾. — Eo minus autem offendemur repetitionibus illis, si maximam partem in Clodii perstringenda nequitia turpissima versari viderimus: nemo enim post reditum ex exilio Ciceroni odiosior, nemo magis suspectus aut formidolosus erat, quam unus Clodius: hujus effrenatam semper temeritatem metuebat, hanc furiam pestemque reipublicae omnibus precibus detestabatur, nec antea destitit salutis reipublicae diffidere, quam Dis faventibus illius monstri timore liberata esset. Hinc iterum iterumque scelera Clodiana enumerat, expingit, exagitat; hinc quacunque utitur occasione ad vim illius auctoritatemque infringendam; hinc eadem identidem proferre non dubitat, modo hostem reipublicae constringant potentiamque ejus convellant.

Haec cum non reputavissent apud se viri docti, non modo omnia, quae argumentorum speciem prae se ferebant, undique conquisiverunt, verum posteaquam nescio quomodo semel de orationum illarum origine antiqua dubitare coeperunt, mox etiam, qui aperte refragarentur sententiae suae, locos ita tamen explicare consilioque suo accommodare ag-

1) neque enim eosdem usque, qui jam antea audierant oratorem, etiam postea homines adstitisse consentaneum est; quanquam Beck p. 619 hac de re dubitat.

2) Bene de ea re disputat WEISKE l. l. p. XI; cf. etiam GESNER p. XCIII.

grossi sunt, nihil ut inde vel plane contrarium concludi posse videretur ¹⁾. Omnino cum, si quis abrogandum esse scriptori alicui librum demonstraturus est, argumentorum vi ac ratione, non affirmatione tantum res conficienda sit, nihilo minus Wolfii castigatio causis plerumque destituta est ²⁾ nec quicquam nisi nimium vituperandi pruritum prodit, quo solo ductus ne ab ineptiis quidem haud raro proferendis vir doctus abhorret. Nimirum cum totas has orationes pravas atque insulas esse statim ab initio sibi persuasisset, in ipsa deinde disquisitione taeduit eum, ut *dolumenta illa ad rationem redigeret*, vel mediocrem operam in locis rectius intelligendis collocare ³⁾: quae non simplicissimam facillimamque admittunt explicationem, ut ridicula continuo atque absurda nobis propinquantur; neque solum per temerariam prorsus interpretandi negligentiam vera scriptoris sententia raro intelligitur ⁴⁾, sed tam indigne nonnunquam scriptor tractatur, ut, cum clara appareat quid sibi velit, nihilo minus scurrili more prava sententia ejus verbis subjiaciatur, quasi de risu excitando agatur, non de extricanda veritate ⁵⁾. Gravitas iudicii quae in vita quotidiana nonnunquam remittitur paullulum, in scientia certe semper servanda est. An condonabimus Wolfo mugas suas joculosque, quia vetus scriptor, qui id non sen-

1) Sic in loco, qui temporum Ciceronianorum peritissimum fuisse oratorem demonstrat, Woznius (p. 325) calide, ne dicam perfide, notat: »Id casuine an doctrinae Oratoris adscribam, deus aliquis scierit.«

2) Cf. ejus Edit. De har. resp. §. 59, p. 387 ... ex nota elegantia sed quae non erat hujus loci (cur tandem non erat?); §. 62, p. 390 »haec levissima rei mentio ante portam claudendam nimis putida videri debebit;« at aliis non videtur; quid igitur jam sequitur?

3) cf. p. 348 »Mibi religio est, hanc scabiem tangere;« p. 350; p. 358 »Ipsa tota sententia putida est. Quid quaeramus de verbis singulis?« Quippe usquequaque Aristotelium illud secutus est, quod laudavit p. 384 »ἡθὺς ἐστὶ τὸ πρὸς τῶν λόγων λίαν ἱεταῖον.« V. autem nos de Plutarcho Herod. reprehensione §. 38, not. 4).

4) quod ipse concedit Wolf, cum dicit p. 359: »Interdum legentem facile occaeat ipse declamator futilitate sententiarum et antithetis suis.«

5) ut in Marklando excusando non verecundatur dicere Woznius p. 342: »Quidni liceat interdum illudere scriptori, ubi indignus est acria reprehensione?«

tiat, castigetur¹⁾? — equidem contra etiam vivos maluerim homines acrius impugnasse, quam mortuos, quos facile est vincere defensione carentes.

Indignamur ferme, cum tales sententias verbis summi oratoris, ut haec indigna eo esse ostenderentur, suppositas videmus, quales non Cicero modo, sed nemo omnino homo sanae mentis, ne puer quidem, facile proferret²⁾, quasi in solo Cicerone ne minimum quidem vitium tolerandum, cuius contra alii scriptori quamvis incredibiles ineptias imputare liceret. Ipsae ejusmodi sententiae ab omni ratione abhorrentes optime Wolfio aliam criticae viam ingrediundam esse ostendere poterant; si quidem reapse non singularem suam opinionem quoque pretio defendere, sed omnino verum explorare studebat. Jam vero factum, ut, qui integra mente ad hanc quaestionem aliasque simili modo tractatas accessissent, nonnunquam prorsus dubitarent, utrum viri docti, qui ineptos ejusmodi jocos facetiasque pro argumentis protulissent, serio revera id quod sentirent nobiscum communicavissent, an potius lepida nisi ironia plane contrarium ostensuri fuissent³⁾. Quocirca haud sane inepte Rossius episcopus ad refutandam Marklandi sententiam consimili modo ipse in alia veterum scripta genuina tanquam serio strenueque invectus est eaque cavillatione sua universam illius rationem risui ludibrioque objecit⁴⁾.

Poteramus igitur etiam nos obliqua ejusmodi refutatione Wolfii auctoritatem convellere; verum praetulimus simpli-

1) quam quidem excusationem sano quam lepidam ipse sibi vindicat p. XXVI.

2) veluti MARKLANDUS (p. 349) oratoris hujus haruspices non futura, sed facta dudum et praeterita praedicere ait: cum praedicere idem h. l. esse, quod simplex dicere, et ipse deinde neget. Hinc interdum infantem hominem in orationibus nostris audire sibi visus est WOLFIO (p. XXXIV), scilicet Wolfianos iustus proferentem.

3) Veluti SAVIUS p. IV, not. 10) Schroeterum (quem ipse Boierum putat) in addubitanda Ciceronis pro Archia oratione nihil aliud egisse censet, nisi ut irideret imitando rationem Wolfianam; quamquam postea (v. LATIMAN, de vindic. hac or., Gott. 1847, p. 1—3) a MDCCGXXXIX et XLII Büchnerus hunc impetum acrius etiam renovavit. V. etiam WOLF, Praef. ad or. Marcell. p. XL.

4) quod aegre fert WOLF p. X sq.

causa hanc multorum, quibus ratio ejus laborat, vitiorum descriptionem, quae miro vituperandi pruritu occaecatum ne ipsum quidem, cujus maxime interesse debebat, Wolfium oculis nostris subtrahere studere, sed haud raro aperte praeseferre, modo vidimus. De industria autem paullo fusius hac de re disputavimus, et ut praefationibus, quae dicuntur, Wolfianae et Marklandianae, ex quibus omnia fere illa repetita sunt, aliquid certe responderetur; et ut universam quandam pravae, quam illi secuti sunt, rationis imaginem oculis nostris menteque informarem, ex qua sola saepe tam perversa judicia explicari possunt; et vero etiam quod nihil aptius videbatur ad Wolfii auctoritatem, quae hac quoque in re apud multos etiam nunc summa est, infringendam, quam universas ejus leges ac praecepta lectoribus ipsa simpliciter enarrare atque exponere: non enim arbitror cuiquam illa probatum iri.

§. 2. *Quae potissimum via in exercenda altiore quam vocant arte critica ineunda videatur, ostenditur.*

Nec vero satis est vitia rationis Wolfianae detexisse, sed jam etiam nobis commonstrandum, quibus potissimum argumentis nitendum videatur, ut librum aliquem ab eo, qui vulgo ejus auctor esse perhibetur, abjudicandum esse nobis persuadere possimus: cum hoc viderimus, deinde demum, quid singulis, in quibus Wolfius pedem offendit, locis momenti tribuendum sit, recte dijudicabimus. Et hic quidem, ut paucissimis sententiae nostrae summam praemittamus, *omnino negativis, ut ita dicam, positivis, internis porro externa argumenta ac testimonia praeferenda sunt.*

Etenim quanquam semper nos in ejusmodi quaestione tractanda cautissimos esse necesse est ac quicquid praesumere bonum donec probetur contrarium, tamen sic certissime derogandum esse scriptum ei, cui antea tribuebatur, ostendemus, si ad alium id scriptorem idoneis argumentis vindicaverimus ¹⁾, quando duos quidem auctores habere il-

1) quae quidem lex, ut ridiculum exemplum afferamus, vel in Epistolis obscurorum virorum (p. 177 B ed. MDLVI) observata est, ubi commentariis a Caesare abjudicatis statim postea in illius locum Suetonius auctor tribuitur.

lud non potest. Hoc vero optime rursus *externis* argumentis stabilitur, sive ipse, qui vulgo auctor putabatur, in aliis, quae fortasse minus nota erant, scriptis genuinis librum illum ad alium scriptorem refert, sive alia vel antiquitatis vel bonorum codicum testimonia aliud auctoris nomen nobis tradunt, sive denique ipsi scripto idoneae adhaerent notae atque indicia externa, ex quibus veri auctoris nomen elici possit ¹⁾. — Quanquam secundum externa illa argumenta ac praeter ea etiam *interna* licet in rem vocare: nam si res nonnullae, quas auctor qui putatur in reliquis libris genuinis nulla coactus necessitudine prorsus aliter narravit tractavitque, apud unum tantum alium scriptorem pari similive modo leguntur; sive tota, quae regnat per librum, dicendi forma atque indoles, quantopere ab illo abhorret, tantopere ad hunc solum quadrare videtur, haec satis gravia sine dubio argumenta sunt, quibus commoti aliter atque antea de auctore scriptionis judicemus.

Contra multo magis de iudicii nostri veritate atque constantia dubitare debemus, cum nescimus, cui alii scriptum a priore auctore abjudicatum jam nos attribuendum arbitremur; quippe facile ita fieri potuit, ut temere ipsi nobis offensiones crearemus injuriaque propter eas auctoritatem originemque libri addubitarem, cum contraria ex parte, ubi simul verum auctorem monstrare possumus, positiva (si hoc dicere licet) et negativa argumenta altera ex alteris subsidium accipiant fidemque majorem. Quanquam nolumus quidem negare nos, etiam *negativa* haec sola per se, dummodo cautio adhibeatur, magni habenda esse, praesertim si *historica* potius *externaeque* sunt, quam ex solo de quo agitur scripto repetita. Sic ex veterum scriptorum antiquitatibusque omnino testimoniis concludi potest, in aliud necesse esse tempus cadat liber, de quo agatur; vel etiam, qui vulgo auctor censeatur, scripsisse eum quidem de eodem similive argumento; sed prorsus diversa ratione disputasse de eo aliumque titulum imposuisse, ita ut imitatoris potius opus in manibus habere videamur, quod etiam eo nonnunquam

1) veluti propter acrostichon Διονυσίου τοῦ Κυλλήφωτος ἀναγραφῇ τῆς Ἑλλάδος Dicaeargo, cui antea tribuebatur, nuper jure derogata est.

a genuino scriptoris libro discernere licet, quod singuli nonnulli loci fragmentaque, quae sola ex illo aetatem tulerunt, in imitatoris illa descriptione non exstant. Potest etiam fieri, ut scriptor aliquis antiquitatis, cui fides habenda est in enumerandis omnibus auctoris, de quo dubitamus, scriptis eum tamen librum, qui et ipse vulgo ab eodem illo conditus esse tradatur, non commemoret, ita quidem, vix ut negligentiae tantum hoc imputare liceat; cum reliqua, quae interdum ex veterum scriptorum de descriptione aliqua silentio ducuntur, argumenta sane quam infirma plerumque sint nec quicquam nisi ansam fortasse disquirendi revera praebeant. Denique etiam id certe attentos nos reddat necesse est, si exiguum aliquod scriptum in veterrimis codicibus, auctoris nomine non adscripto, ad finem operum scriptoris alicujus adjectum reperimus: haec enim res saltem suspensiones in nobis excitare potest, cum saepe a librariis, ne vacui quicquam spatii remaneret, ad calcem libri quem descripserant parvula alius scriptoris opuscula adjuncta esse sciamus; atque augebitur etiam illa suspicio, si forte alias praeterea ejusmodi descriptiones eadem appendicula contineri apparuerit.

Praeter externa autem, quorum praecipua modo memoravimus, dubitationum argumenta etiam hic, etsi minoris rursus momenti sunt, interna porro spectanda erunt. Quippe possunt nonnulla, quae in libro aliquo narrantur, ab vulgati, ut ita dicam, auctoris aetate prorsus abhorrere; possunt alia, quae pro illo tempore necessario desiderantur, deesse in eo; possunt denique narrationes sententiaeque in eo exstare, quas scriptor, a quo profectae eae vulgo putantur, multo secus sibi informare atque enarrare solebat. — Porro ut ab illis, quae ad res potius quam verba spectant, ad ea jam argumenta transeamus, quae ex ipsa lingua dicendique ratione desumpta sunt, nonnunquam inde dubitationes nascuntur, quod dicendi aliquot formae verbaque singularia in libro, quem tractamus, exstant, quae vel ad confectionis tempus vulgato aut superius multo aut posterius nos relegant, vel certe aliis locis ab auctore vulgato de industria vitata sunt indolique ejus repugnant¹⁾; deinde si

1) nam per se sola, nullo alio momento accedente, ἀπαξ λεγόμενα nihil prorsus efficere consentaneum est.

universa, quae elucet ex scripto aliquo, vitae rerumque existimatio, tota cogitandi dicendique ratio, scriptoris denique sors vitaeque vicissitudines ab ejus, cui addicitur illud plerumque, tanto opere discrepant, nullo ut pacto ejusdem esse hominis censi possit ¹⁾; tum ubi certae atque evidentes, quae in genuinis scriptoris alienius operibus ubivis severe observantur, linguae leges ac praecepta ²⁾ in libro, quem et ipsum ille confecisse dicitur, prorsus negliguntur violentanturque, vel etiam verba nonnulla dicendique formulae, quae valde adamavit scriptor ³⁾, in libro, qui ad eundem refertur, mirum in modum evitata sunt aliaeque in eorum locum substituta videntur: — haec omnia contra auctoritatem illius scripti afferri possunt. Postremum id quoque fieri potest, ut in libro aliquo ipso illo quidem nihil omnino reperiatur, quod aut pro auctore ejus pugnare, aut contra eum testari videatur, cum tamen ex magna, quae inter hunc et alios libros idoneis rationibus suspectos vel derogatos scriptori illi omnino intercedat, similitudine concludendum sit, eadem ipsum atque hos auctori tribuendum esse.

Haec fere sunt, quibus sanum integrumque iudicium nitatur necesse est, argumenta, quanquam in eis, quae ultimo loco protulimus, vix possumus nimis cauti esse, ut quae vel et ipsa a singulorum sensu pendeant, vel tamen ad suspicionem potius in nobis excitandam idonea sint, quam ut persuadeant nobis de veritate. Proinde videamus jam, ordinem modo indicatum secuti, quantum tandem singulis, quibus Wolfiani nostram De haruspicum responso orationem non esse Ciceronis evincere studuerint, argumentis tribuendum esse ponderis videatur.

1) nam dictionis certe interdum species diversa, quam plura ejusdem scriptoris opera prae se ferunt, ex diversa ipsorum eorum natura oriri potest; veluti si historica scripta Taciti cum ejusdem De oratoribus dialogo comparaveris.

2) quale apud Plutarchum anxium hiatus evitandi studium conspicitur. V. nos de Plutarchea Her. repr. §. 41.

3) ut apud Plutarchum (v. nos ibidem §. 42, nott. 1 et 2) conjunctio- nes «οὐ μὴν ἀλλὰ», «καὶ μὴν», alia; apud Ciceronem «videri» saepissime usurpatum.

CAPUT ALTERUM.

QUAE ET QUALIA CONTRA AUCTORITATEM ORATIONIS NOSTRAE VEL PROLATA SINT ARGUMENTA, VEL ETIAM PROFERRI POSSINT, VIA AC RATIONE¹⁾ DISQUIRITUR.

A. §. 3. *Num extricaverint Wolfiani vestigia quaeritur; quae seculi reprobato Cicerone verum orationis auctorem invenire possimus.*

Ac primum quidem si firmissima, quae contra vulgatum alicujus scripti auctorem pugnarent, argumenta ea esse monuimus, quae ad alium eumque certum scriptorem illud vindicandum esse monstrarent, optimo hoc artis criticae fundamento prorsus carent Wolfiani. A Cicerone illi quidem ostendere student orationes nostras proficisci non potuisse; nec tamen alium norunt scriptorem, quem in ejus locum substituerent. Namque quod aut provincialem aut negligentem hominem peregrinumve in Urbe degentem²⁾, veluti aliquem Aonium Palearium ex celebri secta Ciceronianorum³⁾, pro auctore earum habendum esse putaverunt, hoc Wolfius ipse hariolando tantum conjectum esse ait. Neque plus proficit in tempore confectionis definiundo, quod MARKLANDUS non multis annis post aetatem Ciceronis⁴⁾, vel accuratius post Valerium Maximum et ante Asconium⁵⁾, ergo inter annos Urb. C. DCCLXXXVI (32 p. Chr.) et

1) Cf. quae supra §. 2. disputavimus.

2) Cf. MARKLAND p. LVI; WOLF p. XXXIX; BECK l. l. p. 627.

3) ut ait WOLF p. XLIII.

4) cf. pag. LV.

5) cf. p. LXXVI et pag. 333 ad Har. R. 9, §. 18. Contra Marklandi rationem, qua idem hanc falsarii scriptionem jam Asconio pro Ciceroniana valuisse existimaret, recte disputavit MADVIG, De Ascon. commentariis, p. 76, not. 3).

DCCXCVI (42 p. Chr.), compositas eas suspicatur; WOLFIO ¹⁾ deinde veri simillimum est, conscriptas eas esse aliquanto ante Asconium, imperante Tiberio; ORELLIUS ²⁾ denique ab inepto declamatore primis Augusti annis, circiter ante a. U. C. DCCXL (14 ante Chr.), scriptas eas putat. Haec vero omnia cum falsis omnino indiciis conclusa sunt, tum nullum aliud habent fundamentum, nisi id quod, etsi vere Ciceronianas orationes illas esse non poterant sibi persuadere viri docti, tamen ad aetatem fere Ciceronianam referendas eas intellexerunt. Modo igitur ipsam illam persuasionem eorum inanem esse atque temerariam demonstraverimus, omnia statim, quae sola ea nitebantur, simul et ipsa corruant necesse erit. Quocirca illico jam ad eas causas transibimus percensendas, quas Ciceroni auctori refragari illi putaverunt atque perseverarunt.

B. *Quare possit abjudicanda a Cicerone oratio nostra videri, disceptatur.*

Particula I. §. 4. De externis argumentis.

Inter negativa autem, ut ita dicam, haec argumenta maximum momentum supra vidimus esse eorum, quae non tam ex ipso scripto, quam ex aliis extrinsecus testimoniis repetita essent; hinc igitur initium capiemus. — Ac primum quidem, ut hoc repetam, quanquam non plane esse τῶν ἀδυνάτων, omnes antiquitatis testes ab homine imitatore scholastico deceptos esse, WOLFII (p. XIX) statuit, stimulus tamen illè resedissee videtur in animo renitentis; quocirca mox Ciceronem censet ³⁾ dixisse illum quidem reapse de haruspicum responso, quam orationem veteres scriptores laudent, nostram vero orationem posterioris demum declamatoris esse, qui illam variaverit ex eaque cum alia tum

1) Praef. ad or. Marcell. p. XXXVIII; quanquam ei ne opus quidem erat ante Asconium eas ponere, si quidem huic fortasse etiam vere Ciceronianas orationes praesto fuisse censuit in Praef. ad nostras orr. p. XXXIX sq.

2) Onomast. I, p. 68, not. 1); cf. jam BÄHR, Gesch. d. Röm. Litt 1832, p. 521.

3) V. supra pag. 9, not. 4).

ea, quae Asconius Pedianus¹⁾ laudasset, in suam transtulerit. Ipse autem hic locus Asconianus revera pro Wolfio quodammodo pugnare videtur, ut Madvigius certe existimavit, qui propterea potissimum illi adscriptus est. Hic²⁾ enim illud minime negligendum ait, quod Asconius bis de *haruspicum responso*, non *responsis* agi hac oratione scripsisset: si enim declamator ex vera oratione declamandi occasionem arripuisset, quid facilius fuisse, quam ex responso responsa facere, quo plura dicere posset. — Verum enimvero cum exigua ejusmodi inscriptionis diversitas omnino vix praecipui momenti censenda esset, tum accedit quod prorsus contrarium inde, atque quod Madvigius voluit, sequi videtur. Non reputavit quippe apud se vir doctus, ex eodem Asconii loco aequè recte atque etiam facilius concludi posse, ipsam orationem, quam etiam nunc habemus, *De haruspicum responso*, non *responsis* inscribendam esse; id quod etiam certius nobis persuadebimus, cum ipsam illam hac de re consuluerimus. Legitur enim c. 5, §. 9 »*Responsum haruspicum hoc recens* de fremitu in concione recitavit, in quo cum aliis multis scriptum etiam illud est cett.« Hinc autem, id quod vel per se satis consentaneum est, facile colligitur, universum rerum responsionumque, quae omnes ex una tantum prodigii illius ansa defluxissent, complexum a Cicerone simpliciter vocatum esse »*haruspicum responsum*«, in quod unum singulae illae conflatae sint atque conjunctae; quamobrem cum de summa potius totius responsi universaeque ejus vi Ciceroni dicendum esset, quam de singulis per se ejus partibus, multo elegantior Asconianus est orationis titulus³⁾ ipsiusque etiam firmatur verbis Tullii, qui similiter porro dicit §. 10 »*Reperietis enim ex hoc toto prodigio atque responso . . .*«; deinde c. 6, §. 11 »*ex hoc haruspicum responso decrevit senatus*«; tum c. 9, §. 18 »*gravitate responsi commotum esse*«. — Haudquaquam enim repugnat, quod altera ex parte etiam *responsa haruspicum* nonnullis orationis nostrae locis commemoran-

1) in Cornelianam, apud ORELL. T. V, P. II, p. 69 sq.

2) De Asconii commentariis p. 76.

3) ut etiam WOLFIVS recto suo ac nativo sensu ductus in Summarii initio (p. 301): »*Haruspices, inquit, hoc fere responsum reddiderunt.*«

tur; immo certas subiacere rationes apparet, propter quas ad singulos illos locos plurativus numerus melius, quam singularis, quadravit. Veluti ubi legimus c. 13, §. 29 extq. »ad haec haruspicum responsa redeam, ex quibus est primum de ludis«, vel 16, §. 34 in. »sed jam haruspicum reliqua responsa videamus«, vel 17, §. 37 »video, in haruspicum responsis haec esse subjuncta«, vel 27, §. 60 »id, quod extremum est in haruspicum responsis«: nonne sponte elucet, his locis non tam de toto responso agi, quam singulas ejus partes, et ipsas responsiones, inter se opponi? quo factum est etiam, ut non in initio orationis, sed postea demum, cum singulae eae partes deinceps percenserentur, pluralis ille nobis occurreret. Quodsi denique c. 28, §. 64 scriptum est »Ad haruspices aut referri auntiata ostenta non convenit, aut eorum responsis commoveri necesse est«, hic non de uno tantum hoc, sed de omnibus universae omniumque temporum responsis sermonem esse ¹⁾, vel inde cernas, quod »auntiata ostenta«. Cicero commemorat, cum tamen haec oratio unum tantum, de quo ad haruspices relatum sit, portentum ²⁾ respiciat. Immo etiam hinc videmus, quot referantur ostenta, tot ab haruspibus dari responsa; quocirca nostrae orationi Asconianum potius titulum tribuamus, licet jam Quintilianus ³⁾ De haruspicum responsis Ciceronis librum laudaverit.

Veruntamen eundem illum Asconii Pediani locum etiam WOLFIIUS aliquo modo suae sententiae favere intellexit: nam cum in nostrae orationis c. 12, §. 24 Megalensibus primum P. Scipio Africanus ante populi consensum senatui locum dedisse narretur, ex Asconii verbis sequi opinatur vir doctus ⁴⁾, factum quidem illud commemoratum fuisse in vera Ciceronis De haruspicum resp. oratione, neque vero ullam ibi

1) ideoque etiam »convenit« pronunciandum esse, non »convēnit«.

2) Cf. §. 9 »responsum de fremitu«; §. 10 »de toto hoc ostento«; »ex hoc toto prodigio«. In extrema demum oratione (§. 62) ad equitum illum ab Latiniensibus auditum Cicero de suo alterum quoque adjungit portentum.

3) Instit. or. 5, 11, §. 42 »Utitur eo Cicero in libro de aruspicum responsis«.

4) pag. 340; cui adstipulatur Schütz l. l. in not. ad pag. 156.

factam mentionem Megalensium. Corruptus quippe locus Asconianus ita legebatur ¹⁾: „... quibus primam ludis ante populi concessum (sic!) senatui locum P. Africanus iterum Cos. et collega ejus Sempronius Longus. Hoc tributum esse senatui scribit, sed sine mentione Megalensium cett.“ — Ibi prima verba ex orationis nostrae loco laudato desumpta sunt usque ad „P. Africanus iterum Cos.“; deest tantummodo verbum Ciceronianum „dedit“, quanquam fortasse ex corrupta voce „concessum“ concludi potest, Asconium potius scripsisse „concessum concessit“.

Deinde vero Wolfius etiam verba „et collega ejus Sempronius Longus“ Ciceroni ab Asconio tribui censet, ita ut insequentia jam Asconii de Cicerone iudicium complecti videantur. At de collega illo Scipionis nihil prorsus in loco, quem Asconius ante oculos habuit, legitur; neque verba „hoc tributum esse senatui scribit“ bene quadrant in oratorem, quem non minus hic, quam paullo superius in eodem loco factum est, dixisse potius scribendum fuit. Quamobrem cum verba „et collega ejus Sempr. L.“ corrupta esse viri docti mox intelligerent, vario modo ²⁾ emendare locum conati sunt, quanquam jure in eo omnes consenserunt, ut insequentia verba „hoc tributum esse cett.“ non ad Ciceronem oratorem, sed ad nescio quem scriptorem, cujus nomen ante illa excidisset, referenda esse sibi persuasissent. — Ergo quantum ex obscurioribus Asconii verbis elici potest,

1) Cf. Praef. ad Orr. Wolf. p. LXXI.

2) Mabrig, De Ascon. Ped. comm. p. 73, not. 2) scribit „... iterum Cos. et collega ejus Sempronius Longo hoc tributum cett.“; SAVELS contra l. l. p. XIV, not. 23) „... iterum Cos. ille Major dedit.“ hoc tributum cett.“ Apud utrumque autem nomen scriptoris cum Valerio Antiate, qui antea commemoratus erat, non consentientis supplendum est. Simplicissimum sine dubio esset, verba „collega ejus Sempronius Longus“ arte cum sequentibus conjungere, ut ipse Sempronius scriptor ille censendus esset, quanquam Sempronium historicum, Catonis et Fabii aequalem, aliunde quidem non novimus. Similiter autem haud de multo post Lutatius Catulus (Cla. Brut. 35, §. 132) de consule suo librum scripsit, et Sulla commentarios de rebus suis reliquit. — Quod vero Plinius (Nat. Hist. 13, 13) Cassium Heminam, qui a. 146 demum vivebat, vetustissimum auctorem appellat, facillime explicari potest, modo ut alios, ita Sempronium Graece potius scripsisse ponamus.

ipsi veteres de illo festo disceptasse inter se videntur¹⁾; si quidem Valerio Antiate et Livio auctoribus de ludis Romanis, secundum Ciceronem de Megalensibus, secundum tertium auctorem nondum exploratum omnino tantum de votivis consulum ludis cogitandum est. Immo maluit fortasse Cicero de industria ad Megalensia potius factum illud referre, quod hoc melius ad orationem suam ejusque argumentum quadraret. Num vero timendum, ne quis in posterum Wolfii illud Schütziique retusum quasi telum in orationis nostrae *au'devsiav* intendat?

Præter has duas autem, quas nos modo removere studuimus, offensiones nihil omnino, quod Ciceroni orationem derogat, exstat argumentorum externorum; omnia contra veterum hac in re testimonia, ut infra videbimus, pro ipso illo auctore pugnant, nec quisquam adhuc, præter MARKLANDUM²⁾ fortasse, in eo haesitavit, quod Tullius non et ipse aliis locis, orationem ut suam laudando, hoc testaretur; immo *habuisse* eum omnino ejusmodi orationem etiam WOLFII concedit.

Particula 2. De internis argumentis.

a. §. 5. *De eis, quæ ex orationis rebus historicis repetita sunt, argumentis.*

Transeundum est igitur jam ad alteram classem argumentorum, quæ non extrinsecus, sed ex sola oratione ipsa desumantur; et ab eis quidem exordiemur, quæ *historica* quodammodo appellari possunt. Hic vero primum et Marklandus et Wolfius offenderunt in loco c. 3, §. 6 » *T. Annio devota et constituta ista hostia esse videtur*«, quia quattuor demum annis post (a. U. c. DCCII, a. Chr. 52) Clodius occisus esset, Cicero autem, etiamsi illud præsagire potuisset, tamen si publice id consilium antea effutiret, pro stulto vel cerrito homine habendus esset. Veruntamen licet nobis et ipsis, hoc quidem loco argutias captare Gesnerum et Klotzium arbitratis; revera Cicero verbis illis aperte accusa-

1) Cf. etiam MADVIG l. l. p. 72; KLOTZ ad h. l. p. 987 sq.

2) Cf. pag. LXX. V. contra SAYELS p. XI sq.

tionem, tacite eadem Clodio minari videntur, nihilominus Wolfianas (p. 317) sermonis ineptias invenire non possumus. Immo quemadmodum Clodius identidem ¹⁾ aperte dicebat occidendum Milonem, significavit hoc saepe in senatu, dixit in concione; ita ne Milo quidem suum consilium occultabat, sed Ciceronis casu haudquaquam exterritus prae se ferebat ²⁾. Nihil igitur peccavit, praesertim illo tempore, Tullius, quod rem in vulgus notam et ipse tecte in oratione sua ³⁾ significavit. — Quid, nonne etiam suspicio illa, qua post perpetratam Clodii caedem tangebatur ⁴⁾, demonstrat, jam antea Cicero aliquo certe pacto quasi conscium sese illius facinoris praebuerit necesse esse, quo nisi postea vel suasisse ipsum Miloni, ut hominem utrique infestissimum maximeque invisum interficeret, putare homines, inimici incriminari eum haud obscure audent? Scilicet quod postea Cicero acriter hoc negat neque quicquam ait ⁵⁾ de caede Clodii meliunda unquam auditum esse ex Milone; et epistola illa (4, 3, §. 5) ad Atticum data refutat ipsum, nec quicquam omnino ad rem, quod jam ut patronus ac defensor Milonis non nimia sinceræ veritatis religione tenebatur ⁶⁾. — Itaque verba, de quibus modo egimus, licet simplici sua ac propria vi intelligenda ea concesserimus, nihilo minus Cicerone auctore plane digna esse arbitramur.

Si vero porro Tullii *μᾶστι* ignorantiam rhetoris scholastici colligit ex c. 6, §. 12, p. 324, ubi Lucius Claudius commemoretur rex sacrorum, quod, cum sacrificulum constet regem ex patriciis sumendum fuisse, Claudii patricii in repudiando praenomine Lucii inter se consenserint, jam Gesnerus recte monuit, facillime litteram illam *L.* ex *C.* (= Gajus) corrumpi potuisse, nisi forte propter samam,

1) Cf. Cic. Milon. 9, §. 25 sq.

2) Cf. Cic. ad Att. 4, 3, §. 5.

3) ut etiam Post red. in sen. 8, §. 19, p. 40; Epist. ad Att. 4, 3, §. 5.

4) Cf. Cic. Milon. 18, §. 47; Philipp. II, 9, §. 21 sq.

5) pro Milone 19, §. 52.

6) Prorsus similiter Philipp. II, 9, §. 22 »Quod igitur, inquit, cum res agebatur, nemo in me dixit, id tot annis post tu es inventus qui diceres« —, cum tamen revera jam Pro Milone 18, §. 47 contra eandem hanc suspicionem se defendisset. V. nos supra p. 15, not. 2).

quae ex crudelissimis Marii Sullaeque proscriptionibus.¹⁾ orta erat, patriciorum hominum penuriam etiam ad plebeam tunc munus illud devenisse statueris. — Quid vero, quod multa illa pontificum nomina, quae falsarius multo postea vix fingere ausus esset, apertissime Ciceronem ad haec verba auctorem vindicant²⁾!

Deinde contra c. 16, §. 35. (*Ad nostrum, ut se ipse appellavit, Imperatorem*.) obmonet Marbrandus, non ipsum se imperatorem appellavisse Pisonem, sed a legionibus id nominis adeptum esse; quasi hoc negaverit omnino orator, a militibus illum appellatum esse. Scilicet senatus potissimum erat hanc appellationem duci alicui a militibus impartitam decreto suo confirmare deinde ratamque facere, idque Pisoni abaverat senatus³⁾.

Tum notatur⁴⁾, quod tantammodo unum ex multis, quae Cassius Dio 39, 20 commemoraverit, ostentis ab oratore nostro allatum tractatumque sit; quem, si plura scivisset, sine dubio multo verbosius in his rebus versaturum fuisse. At jam DRUMANNUS⁵⁾ jure tenuit, cum Dionea quoque portenta omnia ex terrae motu orta esse ideoque de hoc solo haruspices a senatu consultos esse videri; tum ex silentio ejusmodi, si talia inde elicere liceret, etiam Dionis rursus ignorantiam colligi posse, ut qui horribilem terrae motum in agro Piceno Potentillae eodem fore tempore factum, quem orator noster c. 28, §. 62 memorat, prorsus neglexisset omisissetque. Verum integra manebit et Dionis et Ciceronis auctoritas, nisi forte, quemadmodum ante ex silentio oratoris, sic hic ex eo contra, quod solus postremi illius portenti mentionem infert, concludere vult Wolfius miserum eum fuisse declamatorem, uti fore fecit⁶⁾ c. 21, §. 45, ubi Pompejus vocatur sodalis Clodii.

1) Cf. v. c. Vellej. Paterc. 2, 22.

2) quare vel Schütz l. l. p. XXVIII hac in re Gesnero assensus verba illa ex genuina Ciceronis oratione a declamatore in suam translata existimat.

3) Cf. De prov. consul. 6, §§. 14 sqq.

4) a Wolfio l. l. in Summario p. 304.

5) Gesch. Roms II, p. 327, not. 47).

6) Quippe adscripta p. 370 ad h. l. »Cum ignarissimis nescio, unde

Itaque vidimus jam, omnes illos orationis nostrae locos, qui historica ratione contra Ciceronem auctorem allati sint, aut nihil omnino probare, aut contrarium; proinde ad ea nos nunc argumenta interna vertamus, quae ex *lingua* sermonisque Tulliani consuetudine ducta sunt; quid haec valeant porro disquisituri.

β. §. 6. *De his argumentis, quae ex neglectis sermonis legibus petuntur.*

Quoniam vero non id agimus, nihil ut nisi refellere quoquo modo Wolfiam studeamus, et ipsi partium studio tracti; quoniam potius ab ira ac studio pariter remoti solam veritatem spectamus, non modo, quae jam a Murklando et Wolfio contra auctoritatem orationis nostrae monita sunt, sub iudicium nostrum vocabimus, sed praeterea etiam, quaecunque posse omnino aliquo pacto suspicionem excitare videbuntur, etiamsi ab *evocatis* illis neglecta sint, nihilo minus aequè diligenter tractabimus.

Poterit autem primum quispiam in eo offendere, quod legimus c. 3, §. 5 *«Eum nunquam a me esse accusandum putavi»* et c. 8, §. 46, p. 329 *«domus, quam senatus a pontificibus liberandam, a magistratibus defendendam, a iudicibus puniendam putaret»*. At quanquam ex vulgaris grammaticae legibus constat, gerundivam, ubi per perspicuitatem hoc liceat, cum dativo auctoris, non cum praepositione *a* conjungendum esse, nihilo minus duo illi loci optime habent. — Scilicet interest aliquid inter utramque constructionem: praepositio *a* nihil significat, nisi simpliciter actionis alicujus auctorem; contra *dativus* praeterea internam quandam, quae inter auctorem interque rem perpetrandam intercedat, rationem atque necessitudinem exprimit. Recte igitur dictum est *«A Milone, non a me accusandus est Clodius»*; de nulla enim alia re agitur, nisi de externa accusatoris persona: nisi Milo unus omnium aptissimus fuisset ad Clodium accusandum, procul dubio et Ciceronem et quemvis alium bonum civem decebat accusa-

hic honor veniat Pompejo, et ex quo sodalitiis. — quo loco jam Klotz jure monuit: *«Dies darf keinen Verdacht wecken»*

teris immus suscipere; ergo etsi *Ciceroni* illa quidem accusandus esse quodammodo dici poterat, tamen non a *Cicerone* accusandus erat. — Aequè rectè alter deinde locus habet: nam quanquam ipsi magistratus defendendum sibi aliquem potare poterant, nimirum ex ipsorum sententia iudicioque, tamen, ubi iubentur hoc facere a senatu, ministral tantum sunt hujus collegii ejusque consiliis perficiendis inserviunt. Itaque *senatus* defendendus erat *Cicero*; *senatusque* auctore a magistratibus. — Etiam aliis locis similibus, ut consentaneum habet, eadem *Cicero* constructione utitur; veluti *Milon* 38, §. 404 «a vobis, iudices, conservandum virum»¹⁾.

Deinde verò *Wolffius* offendit in (c. 8, §. 17) verbis «quem ajabant negare ferre non posse», monuitque in nota: «Cicero haud dubie²⁾ addidisset *se*, ut verè notavit *Ernestius*.» Eodem jure vituperare poterat infra c. 22, §. 47 «*sibi* Pompejo adjutore; liquae faciebat, facere clamaret; et De domo 14, §. 37 «dicere, filium senatore[m] populi Romani sibi velle adoptare». — At falso illud notavit *Ernestius*; immo verè *Ciceronianum* est ita promomen omittère³⁾, eaquè res tam nota est hodie ac vel grammaticis⁴⁾ trita; nihil ut nobis de ea jam agendum videatur. — Contra una, quam nos quidem in hac oratione deprehendimus, offensio gravior: accircò a *Wolffio* neglecta est, quod et ipse legem, contra quam ibi peccatum est, ignoravit⁵⁾. Legitur enim c. 41, §. 22: «Quod ni tu *Magalesia* illa die spectare voluisses, haud scio an vivere nobis jonderet». Haec autem verba si ex hominum scriptorum usque consuetudineque *Ciceroniana* expliaveris, quorsus contrarium exprimit ejus sententiae, quam scriptor sine idubio verbis suis subesse voluit, neminem quippe oratoris ita in-

1) Plurimè concessit *Henricus* in *Lehrjahre* 1845, XLIV, p. 444 et seq.

2) In *Wolffio* certe verbis *Cicero*, bonique omnino scriptores, potuissent sine dubio. V. *Stübenrue* in *Comment. I. ad Offic.* p. 135.

3) Cf. *Tuscul.* 2, 17, §. 40 «Ferre non posse clamabit».

4) V. jam *Frörscher* ad *Rut. Lup.* p. 112 et *Päter*, *Observ. Cic.*, Meining. 1838, p. 10—13; deinde nuper etiam gramm. Lat. *Krüger* p. 764, not. 2) et *Kühner* §. 128, ann. 4.

5) Similiter certe peccavit, cum p. XLIII scripsit «adulterio».

terpretandum est, quasi facile fieri potuisset dixerit, nisi Lentulus affinisset, ut non jam vivere liceret Ciceroni. Ad hanc vero sententiam exprimendam, probo scriptori 1) dicendum erit potius *«Haud scio an vivere nobis jam non liceret»*. Quid igitur, cum nihilominus in nostra quidem oratione tolerabimus illud barbareque hic Tullium locutum esse statuamus? an tandem aliquando Wolfio duce orationem tanto vitio inquinatam ab summo Romanorum dicendi artifice abjudicabimus? In neutram credo sententiam sanum integrumque iudicium inclinabit, praesertim cum in aliis orationis hujus locis idem illud *«Haud scio an»* rectissime usurpatum sit; ut c. 5, §. 10 *«quod tetentum haud scio an gravissimum»* multis his annis huius ordini nuntiatum sit, vel c. 7, §. 44 *«multae sunt domus in hac Urbe, atque haud scio an paene cunctae jure optimo»*. — Librariorum quidem negligentia nostro loco *«non»* illud emissum vel *«an»* pro *«num»* scriptum esse, eo id quidem verisimile esse videtur; at nonne alia quoque via patet, etque facillima, qua universam quidem ordinationem etiam nunc probemus ut vere Ciceronianam, hunc tantum unum locum ab inepto aliquo grammatico vel interpolatore explanationis causa adscriptum esse consequamur? Quid, si reliqua verba examinamus, nonne offendit conjunctio illa *«nec»*, quae foris, cum praesca potissimum oratione aut quod Iuliano vitae sermone apud Romanos usitata, apud Ciceronem saepe tantum legatur, in orationibus ejus, quod sciam, nusquam? — nonne proero offendit in verbis statim *«inse-*

1) H. Haasius ad *Reisig. Vorlesungen* (1839, p. 476, not. 441), qui ad antiquissimum huius peccati exemplum praeter nostrum *«Lentulus haud»* Epist. Caecinae apud Cio. Ep. Famil. 6, 7, §. 3, ubi legitur *«Nescio an tibi gratus opportunusque acciderit»*. At non licet ibi cum Haasio supplere *«si de te copiosius scripsissem»* (alioquin enim *«accidisset»* supra scribendum fuit); immo aequae facile ac rectius suppleri potest *«quod parce et timide de te scripsi»*. Ita vero vel Caecina, qui (l. l. §. 1) *«se adhuc illi poenas dare»* ipse fatetur ejusque rei exemplum statim dat, cum dicit (§. 2) *«qui scit et persuasus est»*, — vel hic vim locutionis *«nescio an»* probe tenuit, idemque nostrae ille orationis locutionis primus omnino, ubi peccatum sit hac in re, esse videtur, vel potius et ipse propterea in tempus multa posterius removendus erit.

2) nam quod in Or. Caecinae 23, §. 65 *«num illud»* inquit, quod dicitur Sive Nive iridentur, et similia nemo certe contra me afferet.

quentibus forma ablativi »aediti«, cum bonorum scriptorum usu ¹⁾ etiam Cicero et aliis locis et in ipsa oratione nostra (c. 42, §. 24 extr.) meliore potius forma utatur »aedile«? Vel haec sola qui reputaverit secum, non Ciceroniana illa verba putabit, sed grammatici nescio cujus glossema esse intelliget; eaque suspicio hoc prorsus confirmatur, quod ad sententiam quoque verba illa cum novi omnino nihil afferunt, sed explicant tantum reliqua paullo accuratius; tum ne elegantiam quidem ullam produnt ²⁾, qua vel in repetitionibus ejusmodi verus Cicero facile cognoscitur. — Omnia igitur etiam nostro loco bene constituta erunt, si, ejecto glossemate »Quod ni tu Megalesia . . . immissa irrupit«, simpliciter scripserimus: »Eos, quorum . . . Mater Idaea te, te, Cn. Lentule, . . . spectatorem esse voluit. Tua tum, tua, Cn. Lentule, eadem virtus fuit cett.«

Porro qui ex recentioribus grammaticis, *personarum* tantum, quae dicuntur, genitivum, rerum contra ablativum cum voce *refertur*, a, um conjungendum esse didicerit, in eo quoque haerebit, quod c. 13, §. 28 refertam orator Romanos ait Urbem atque Italiam *fanorum* habere. At cum omnino praeter fortuitam exemplorum nonnullorum speciem nulla prorsus grammaticorum illius legis ratio intelligi potest, tum similiter v. c. legitur Cic. Fam. 9, 18, §. 4 »ollam *denariorum* implere«, alia; nec tamen denaria sunt personae. Tantum igitur abest ut offensionis hic locus ansam praebeat, ut refutet contra ipsam illam grammaticorum legem.

Quod deinde c. 15, §. 33 legitur, »sacra illa tua« ³⁾, hic fortasse unus ex plurimis illis locis erat, unde apparere ait Wolfius ⁴⁾, notissimum, quod inter pronomina *ille* et *iste* intercedat, discrimen parum cognitum fuisse huic scriptori.

1) V. jam WOLF ad h. l.; KLOTZ in Handwörterbuch der Lat. Spr. I, 1847, p. 176. Quocirca idem KLOTZIUS in editione sua orationum etiam nostro loco correxit »aediti«, sed temere.

2) quocirca hunc quidem locum majore jure, quam plerumque, reprehendit WOLFIUS p. 337 sq., ERNESTIUM secutus.

3) Sic etiam »hic *huus*«; v. REISIGS Vorles. p. 361 infra.

4) ad c. 27, §. 59, p. 383. Ceterum nota illo loco variationem pronominum »ille . . . , iste . . . , hic . . .«, quorum suam quodque vim ibi tuetur.

Velim equidem, plurimos illos locos ¹⁾, vel certe aliquot ex eis laudaverit vir doctus: nos enim nullum omnino totius orationis locum deprehendere potuimus, unde concludendum illud putaremus. — Sic prorsus recte pronomen »iste« legitur c. 13, §. 27, p. 345; §. 29 extr.; c. 17 extr.; c. 20, §. 43, p. 367²⁾; c. 22, §. 46, p. 371 bis; aliis locis. Corruit igitur haec quoque Wolfii reprehensio exemplis destituta.

Neque postremo c. 22, §. 47 (*nonnullorum alienatione a quibusdam*) in hac conjunctione per solam praepositionem effecta nimis offendendum est ³⁾, praesertim cum substantivum *alienationis* verbalem suam originem prorsus manifesto prae se ferat. V. KÜHNER, Schulgramm. 1845, §. 109, ann. 10). — Si vero ut hoc extremum afferam, c. 27, §. 57 genitivi forma *parentum* apparet, quanquam usitatiorem Ciceroni »parentium« fuisse non nego, tamen in aliis quoque orationibus illa exstat, non solum Post red. in senatu c. 1, §. 2, sed v. c. etiam Cael. c. 32, §. 79.

Itaque ne hac quidem ratione, ejecto glossemate illo de quo modo disputavimus, quicquam repperimus, quod Cicerone indignum existimari posset.

γ. *Sententiae orationis nostrae aut elocutio num ab indole Ciceroniana recedant, anquiruntur.*

§. 7. *De praecipuis rationibus, quas in fraudium vestigiis odorandis secutum se ait Wolfius.*

Jam vero quanquam, quae majoris auctoritatis esse poterant, argumenta Wolfiana in antecedentibus infregisse nobis videmur, tamen etiam alia restant, multa acque atque infirma, ex *eloquendi ratione* sententiarumque nexu repetita, quae nunc aggressuri sumus. Ac primum quidem cum ipse,

1) sic enim potius, non »plurima loca«, dicendum erat Ciceronis castigatori.

2) Nimirum *alloquitur* senatores; qua de re non videtur cogitasse Klotz, cum scripsit in Edit. sua »itaque illum cett.« pro »Istaque res illum cett.«

3) Quippe paullo antea habet locus Philipp. II, t. §. 1 (*»tuam a me alienationem«*), quod hic inclusa sunt verba »a me«, artiusque ideo cum reliquis cohaerent.

credo, intellexisset Wolfius, totam quae usus esset artis criticae rationem ebrio potius, quam sobrio, numine regi videri, ne quis statim incerto tantum aut crepero usu, cujusdam verisimilitudinis opinionisque arbitrio¹⁾ argumenta Wolfiana niti existimaret, universas nonnullas leges rationesque praemisit²⁾, ad quas singulae deinde animadversiones orationibus subjectae revocari possent a lectoribus. Loquitur igitur non solum (pag. XXXVII—IX) de erroribus peccatisque in historia Cicerone indignis, quae in orationibus nostris deprehendantur, verum etiam (pag. XXXI—III) de ratione grammatica, (pag. XXXIII sq.) de logica sententiarum veritate, (pag. XXXIV—VII) de elegantia et ceteris virtutibus rhetorica³⁾, (pag. XL sq.) de civili prudentia quadam, (pag. XLI sq.) de charactere qui dicitur Ciceronis proprio⁴⁾. Quae omnia cum aut desint orationibus nostris, aut minime sint Ciceroniana in eis, sequi jam censet Tullii castigatores, ut orationes illae Ciceroi derogandae videantur.

Verum enimvero generales ejusmodi rationes, etiamsi per se verissimae eas esse neque ullam dubitationem admittere constaret⁵⁾, ne sic quidem quicquam probarent; immo quaerendum jam est, et omnino pendeantne revera singulae annotationes ab illis, et vero etiam, si ita videtur, numne forte per abusum potius, ut facile fieri potest, ad singulos illae locos relatae sint, quos recte explicatos aut breviter defensos saepissime plane integros evadere videbimus. — Proinde omissis illis, quae universa disseruit Wolfius, ad singulos statim locos accedamus dijudicandos, quandoquidem solo ipsorum examine ejusmodi quaestiones ad liquidum perducere possunt⁶⁾. Quanquam moderationem quandam hac in re adhibebimus, ne ponamus simpliciter omnia cum taedio lecto-

1) quod et ipsum se perhorrescere ait WOLF p. XXIX sq.; etsi nihilo minus non evitavit ille.

2) uti fere Plutarchus De malign. Her. c. 1 extr. «κακοήθους ὄλον ἔχοντα καὶ ἀναισθητοῦ καὶ ἀνυποτάκτου» judicio lectorum statim initio subicit.

3) Cf. etiam MARKLAND p. LVIII sqq.

4) V. etiam BECK l. l. p. 619 sq.

5) quod minime de omnibus concedi posse jam supra vidimus §. 1.

6) quod et ipse mox intellexit WOLF p. XLV; v. etiam WEISKZ, Cic. Orr. XIII selectae, p. XIII.

rum, si quidem nonnulla vix digna videntur, de quibus vel verbum monetur; alia contra, quorum species etiam eruditum aciem praestingere poterat, partim jam Gesneri¹⁾, partim certe Klotzii et Savelsii disputationibus ita confecta sunt atque profligata, nos ut actam rem deus agere voluimus.

§ 8. *De singulis locis, quarum sententia rhetore potius, quam summa oratore digna esse dicatur.*

Ex singulis autem locis eos considerabimus primos, in quorum sententia Marklandus et Wolfius offenderunt; id quod saepissime inde ortum esse apparebit, quod, quamquam reapse verbis orationis leviter tantum atque indiligenter, inspectae sententiam subesse necesse esset, ipsi parum solliciti erant.

Veluti cum Wolfius ad c. 9, §. 3 (*Nihil feci iratus, nihil non diu consideratum ac multo ante meditatum*) inde, quod nihil omnino fecerit Cicero, nisi ut Clodium insequi coepisset, concludit jam, hoc ipsum ex scriptoris sententia multo ante meditatum fuisse Ciceronem (id quod absurdum foret); totas has ineptias Wolfius non intellexit ipsam sibi commisit eo, quod verbo faciendi, quod non magis de actionibus perficiendis, quam de verbis faciendis usurpari potest, prorsus falsam eo loco vim subdidit. Scilicet cum nihil Ciceronem fecisse iratum legamus, haec verba aequae atque antecedentia simpliciter ad orationem referenda sunt, qua pridie Tullius in Clodium tam vehementer invecitus erat, ut nonnulli dolore eum elatum et iracundia longius progressionem arbitrarentur, quam sapientis hominis cogitata ratio postulare. Hoc quis concedet, qui integrum iudicium ad hunc locum adhibuerit, ac similiter Cicero alius locis dicit, Sest. 52, §. 111. »sed elatus odio plura dixi, quam dicendum fuit«; Vatin. 1, §. 1 »sed fui paullo ante intemperantior fortasse, quam debui«; Milon. 29, §. 78 »Non timeo, ne odio inimiciarum mearum inflammatus

1) ut c. 9, §. 18, ubi Klotzius l. l. monuit: »Gesner hat die Ausdrücke unseres Redners mit vollem Rechte gegen Markland in Schutz genommen, und Wolf konnte nur noch höhnen.«

libentius haec in illum evomere videam, quam verius. — Nimirum in verbis non minus, quam in actionibus moderationem semper utendam esse, Wolfius oblitus esse videtur.

Deinde idem ad c. 3, §. 4 (*«In Clodium vero non est hodie meum majus odium, quam illo die fuit, cum cett.»*), cum quid primis ¹⁾ verbis sibi velit prorsus nesciam, infra monet: »Mitto, quod dicit, non nimio sibi odio fuisse Clodium; nonne sic loquitur, quasi odisse eum non admodum potuerit, quod dudum sensisset, hominem perniciosissimum fore reipublicae?« — Nuntiquam vero hoc in verbis inest, de quibus strictim attactis temere rursus Wolfius judicavit. Nihil aliud dicit orator, nisi odium suum statim initio aequè magnum fuisse, ac tunc, quod jam pridem intellexisset, exitiosam Clodium reipublicae pestem evasurum ²⁾.

Aequè injustam porro rem agit, ubi ad c. 3, §. 5, p. 314 (*«Quid enim hunc persequar, pecudem ac belluam, pabulo inimicorum et glande corruptum?»*) causam hic ait oratorem, si quam omnino afferat, afferre facetissimam: »Non accusavi, quia bellua est«; in eandemque illam belluam nihilominus longas orationes componere non dedignari. — At ne hoc quidem loco verum orationis tenorem respexit ³⁾ castigat. Quippe dedignatur Cicero Clodium accusare, non simpliciter quia bellua sit, sed quia quasi bellua pabulo inimicorum et glande sit corruptus. In extremis his verbis praecipua vis inest et gravitas; non in bellua illa Wolfiana. Nihilominus »longas orationes in hanc belluam componit«, quod ipsa illa ultro impetum in Ciceronem facere conatur ⁴⁾; ergo non sponte instat Cicero et persequitur Clodium, quem contemptum a se Miloni potius relicturus erat accusandum; sed lacessitus seque ipse defendere coactus, minus tantum hominis turpissimi resistit.

Taedet autem ferme ea quoque contra virum summum proferre, quae quivis puer statim intellecturus sit; quan-

1) »Eodem jure, forsitan etiam meliore, dicere poterat heri: nam heri nihil fecit iratus.« Quid haec?

2) Cf. infra §. 5 »Non multum mihi sane post ad odium accessit cett.«

3) Quod h. l. intellexit etiam Beck l. l. p. 530: »At vereor, ne ei injuriam fecerit (Wolfius). Nam causa sequentibus potius inest.«

4) Cf. §. 7, pag. 318 et 319.

quam hinc optime cernitur, quanto opere Wolfius praepjudicata sua opinione ipse mentis aciem occaecaverit.

Cum igitur legamus c. 8, §. 17 *«Vidi hesterno die quendam murmurantem; quem aiebant negare ferro me posse cetti.»*, Wolfius ad h. l. *«Quid opus erat, inquit, aliena auctoritate, si illum quendam ipse vidit, vel potius audivit, murmurantem?»* At quaeritur primum, num revera h. l. *«vidit murmurantem»* idem sit quod *«audivit»*, et non potius significet tantummodo *«vidit labra moventem»*; deinde vero etiamsi susurrum ejus reapse auribus perceperit Tullius, qui tandem sequitur, ipsa quoque verba eorumque sententiam ab oratore exauditam fuisse? qui igitur impugnare licet alienam illam auctoritatem, qua in referenda admirumationis sententia necessario nitendum erat Ciceroni?

Etiam Schützius (l. l. p. XXVIII) unam certe offensionem ipse deprehendit, offensus eo quod orator c. 9, §. 18, p. 332 negat se his delectari aut uti omnino litteris, quae animos avocent a religione: scilicet si ad populum hoc Cicero dixisset, aliquo modo laturum se fuisse ait; in senatu vero prorsus ridiculum fuisse. At verbum *utendi* h. l. non solum universam legendi tractandique vim habet, quod Schützius putavisse necesse est, sed *«utatur»* h. l., ut jam ex adjecto altero verbo *«delectetur»* apparet, idem est, quod *«in usum convertam»*, ideoque *«prohem, adstipuler»*. Omnia igitur recta ac sana.

Cum porro, quas Wolfius Ernestium secutus c. 16, §. 34 (*«De Alexandrinis video esse sermonem: quem ego non refuto»*) in orationem invitam intulit, ineptias jam Klotzius¹⁾ recte refellat, statim nos nunc convertimus ad c. 27, §. 59, p. 385, ubi, quod Cicero *«Quis, inquit, minus unquam percipit hostium castris, quam ille omnibus corporis sui partibus?»*, Wolfius²⁾ in nota nullam esse laudem ait, *parcere corporis partibus omnibus*; immo ignavorum hoc esse et omnem laborem detrectantium. Neque vero Ciceronis haec

1) qui in ed. sua recte h. l. interpretatur: *«Ich sehe, dass (in jener Antwort der Opferschauer) von den Alexandrinern die Rede ist und widerlege diess nicht.»*

2) V. etiam MARKLAND p. L; contra SAVELS l. l. p. XXXVI.

sententia erat; nisi forte ex eo, quod non pulchrum sit omnibus corporis partibus parcere, concludere vult Wolfius, honestum esse omnibus corporis partibus non parcere. Immo ne hoc quidem loco vir doctus veram, quae in orationis verbis inest, oppositionem intellexit, quae non tantum, ut ille putavit, in verbo *parcendi*, sed magis etiam in sententia verborum «partibus omnibus» cernenda est; quippe nullis Clodius corporis partibus, ne eis quidem quae ad obscenissima pertinerent flagitia, turpissime uti vereturatus est: de obscena enim re sermonem esse etiam sequentia ostendant.

In eis igitur, quae adhuc tractavimus, exemplis ipsam oratoris sententiam prorsus non intellectam fuisse castigatibus ejus vidimus; alii vero etiam restant loci, quos aliquo illi quidem modo intellexerunt, sed nodum deinde in seipso quaesiverunt. — Sic statim initio orationis multa viri docti disputaverunt de verbis «*Putavi mihi reprimendam esse P. Clodii impudicam impudentiam*»¹⁾, quia, ut arbitrantur Marklandus et Wolfius, Cicero non fuerit conjuncturus «*impudicam impudentiam*». At quemadmodum bene «*impudentem impudicitiam*» Latine dixeris, aequè recte «*impudica impudentia*» appellari potest, si quidem utriusque vocabuli vis ad sententiam exprimendam quadrat. Quippe a bone, ut ait Wolfius, usu loquendi ejusmodi verborum conjunctiones abhorrent nunquam nec abhorrescere possunt, modo probam sententiam praebeant. *Impudica* autem *impudentia* nulla alia est, nisi ea quae eadem *impudicitiam* prodat²⁾. Quaeritur igitur, hocne in Clodii illem *impudentiam* conveniat. Atqui constat, nullius eam lubricae infamiaeque, ne turpissimae quidem, neque puduisse unquam neque tæduisse; propter quod cum aliis locis³⁾ acerbè a

1) Quid, inter haec duo vocabula, discrimina intercedat, optime cernes ex Cic. Cat. 2, 11. «Ex hac parte, pudor regnat, illinc, petulantia; hinc, pudicitia, illinc stuprum.» V. etiam DIETSCH ad Salust. Catil. 12, §. 2.

2) Nam quod WOLFIIUS vertit «eine schamlose Unverschämtheit», hoc sane idem, per idem est ac Latine foret «impudentia exera pudoris, expudorata».

3) ut infra c. 20, §. 42; c. 27, §. 59; De domo 54, §. 139; Sest. 7, §. 16.

Cicerone perstringitur atque cōciditur, tum semel¹⁾ simpliciter vocatur *catamitus*. Itaque si in loco, in quo cum maxime versamur, statim postea legimus, impudentia illa sua Clodium P. Tullioni Syro operam navasse atque ei sese, cui *totus venisset*, etiam senatoribus inspectantibus *venditasse*; nonne prorsus in promptu est²⁾, in his quoque verbis aliquid latere obsceni suspicari? Quid si ita est, quis jam mirabitur, quod impudica vocatur impudentia illa, qua simul contra pudicitiam Clodium probosque viri mores peccavisse appareat? — In sola certe vocabulorum «impudicam impudentiam» similitudine nemo offendet, qui cum omnino ejusmodi alitterationes admodum veteribus placuisse norit, tum ipsorum illorum verborum conjunctionem³⁾ valde adamasse Tullium; cf. c. 5, §. 9 «pudorem pudicitiamque defendere»; c. 20, §. 43 «pudorem, pudicitiam... violavit»; Sest. 34, §. 73 «hostis pudoris et pudicitiae»; Milon. 28, §. 77 «jus, aequitas, leges, pudor, pudicitia»; Dejotar. 10, §. 28 «pudoris pudicitiaeque exempla».

Pergamus jam ad c. 3, §. 5 «*Nihil enim contra me fecit odio mei, sed odio severitatis, odio dignitatis, odio reipublicae*»; quibus de verbis sic judicat Wolfius: «Quicquid fecit Clodius, non fecit odio Ciceronis, sed odio severitatis et dignitatis Ciceronianae. Ridete, Patres Conscr.!» — Immo indignandini, tam leviter gravissimi oratoris verba explicari vel potius perverti! Fecit scilicet Clodius odio severitatis⁴⁾, qua ut ceteri boni ita Cicero utebatur; fecit odio dignitatis senatoriae, qua fruebatur etiam Cicero. Odit igitur Ciceronem non hominem per se, sed optimatem, senatorem, reipublicae providum. Hoc si inepte dictum est, pariter etiam alios locos Ciceronianos nostri simillimos irri-

1) in fragm. Or. in Clod. et Curiat.

2) quamquam non plane necesse est, ex verbis per se spectatis hoc elicere; cf. infra c. 22, §. 46.

3) quae occurrit nobis etiam apud Salustium (Cat. 12, §. 2) «... pudorem, pudicitiam, divina atque humana promiscua habere»; ubi prorsus falso GRABER (in ptogr. gymn. Guben. 1844, p. 11—14) pro «pudicitiam» corrigi vult «impudicitiam».

4) Cf. etiam Cic. Alt. 1, 16, §. 7 extr. «dolorem improbissimo cuiusque inuissereat severitas consilii mei».

dere debet Wolfius, veluti Pis. 1, §. 2. »*Piso* est a populo Romano factus aedilis, non iste *Piso* (h. e. nominis et generis, non hominis generosique animi causa)«; vel De domo 25, §. 66 »Non hominibus iste, sed virtutibus hostis semper fuit«.

Prorsus simili modo alius locus facillime explicatur, in quo omnes adhuc argutias captarunt interpretes, c. 5, §. 8: »*sacra, quae viri oculis, ne imprudentis quidem, adspici fas est, adpectu virili violavit Clodius*«. Namque etsi Gesneri his de verbis commentum reapse acutius, quam verius videri Wolfio assentior, nihilominus sua verbis ac propria vi tributa, omnia proba sunt ac digna Cicerone. Scilicet potuit ille quidem etiam simpliciter dicere »adpectu suo violavit«; at cum elegantia praetulit »adpectu virili«, quo magis id verbum efferret, cujus solius hac in re ratio habetur: in peculiari enim hominis Clodii persona nullum omnino hic momentum inest, sed in eo solo cardo rei vertitur, quod *vir* erat Clodius; haec igitur notio cum vi repetitur. Cf. quodammodo Cic. Mil. 10, §. 23 »*Muliebris* et delicatus ancillarum puerorumque comitatus«.

Porro offendit Wolfius in verbis (c. 7, §. 13, p. 326) »*Religionis explanatio vel ab uno Pontifice perito recte fieri potest*«, mouitque (p. 327) parum sibi constare declamatorem, cum secundum priora ejus verba tollendae religioni duorum pontificum responsum ac verbum sufficeret; dein tribus esset opus; jam vel per unum, scilicet peritum, res fieri posset. At rursus leviter inspecta verba Ciceroniana etiam temere perstringit Wolfius. Neque enim Cicero »duorum pontificum responsum« supra §. 12 memorat, sed »unius P. Servilii ac M. Luculli responsum sufficere«, ubi vel ex voce »unius« apparet »ac« ferme idem significare, quod *vel*. Atqui et P. Servilius et M. Lucullus, quod nominatim afferuntur, sine dubio *periti* erant pontifices; quae quidem peritia cum non omnium omnino pontificum aequae esset communis, ex universa lege non unus tantum, sed *tres* (c. 6, §. 12, p. 324) pontifices de gravioribus rebus statuerent necesse erat. Vides igitur, optime sibi constare oratorem.

Quod vero in verbis (c. 7, §. 14 in.) »*De hoc igitur*

loco sacro potissimum videntur haruspices dicere, qui locus solus... sacer non esse judicatus est?« nominem non videre ait Wolfius, vocem »sacro« absurdam esse, erravit vir doctus; immo omnia prorsus plana sunt, ac fortasse etiam Wolfio futura fuissent, si scripsisset Tullius »de hoc loco tanquam sacro«; quanquam minime opus est adjecta illa voce.

Deinde c. 8, §. 17 (»Quid igitur responderem? me civem esse Romanum? Litterate respondi«) disceptatur de vi adverbii *litterate*, quod Ernestius Klotzio probavit significare »ad litteram«, Wolfius contra simpliciter carere sententia putat. At mihi εἰρωνικῶς h. l. Cicero loqui videtur, ac si nos dicamus: »das wäre mir eine feine und gewitzte Antwort gewesen«; h. e. *absurde respondi*; etenim civem Romanum esse Tullium et quivis aequè bene sciebat, et ipse, qui interrogaverat, Clodius longe aliud consilium sequebatur, quod optime Cicero responso illo suo fefellit. Ergo »litterate« h. l. eodem modo explicandum, quo Cic. De or. 2, 62, §. 253 (»Belle et litterate dicta laudantur«).

Quod porro c. 27, §. 58 senatus appellatur princeps salutis mentisque publicae, Wolfius (p. 385) »quid hoc sit, nec capit satis, neque alias sibi lectum meminit«. Altera causa sine dubio gravior erat; videlicet cepisset credo, quod simplicissimum est, modo recordaretur locos, ut De prov. cons. 10, §. 25 »Ordo, qui est publici consilii auctor et princeps«, ac magis etiam Milon. 33, §. 90, ubi curia, sedes senatus, vocatur »templum sanctitatis, amplitudinis, mentis, consilii publicae«.

C. 22, §. 64 denique Wolfius Ciceronem ait non »Ut meliore sinu loco, ne optandum quidem est, illo impunito« dicturum fuisse, sed »... magis optandum, quam sperandum est«. Verum ne hujus quidem loci recte cepit sententiam vir doctus, quae est potius: »Non solum sperare illud, sed ne optare quidem nobis licet, ut qui, impunito Clodio, prorsus indignos nos meliore loco praestemus atque ipsi nobis impedimento simus.« Optime igitur orator hanc sententiam expressit, non illam quidem Wolfianam; sed ipsius; uti alio loco similiter Cicero (Philipp. III, 2, §. 3)

»Neo, postulantibus, inquit, nec cogitantibus, nec optantibus quidam nobis, quia non posse fieri videbatur cett.«

Itaque omnes fere, quorum sententiam Wolfius tanquam absurdam impugnavit, locos, modo recte explicentur, prorsus bene se habere ac neutiquam indignos esse Cicerone, in antecedentibus demonstrare conati sumus; restant autem etiam alii, in quibus *ἐνοχάρτοι* illi non tam in sententia, quam in elocutione, verborumque delectu peccatum esse existimant. Itaque hi quoque nobis jam percensendi sunt.

§. 9. De singulis locis, ubi in elocutione aut delectu verborum peccasse dicitur orator.

Proferendum autem hac in quaestione a duobus locis videtur, qui cum in aliis Ciceronis scriptis ferme occurrant, nullius praeterea indigent defensionis nostrae.

Namque quemadmodum c. 42, §. 26 legimus *»Istius modi Megaresia fecit pater tuus? Is mihi etiam generis sui mentionem facit? Tu immisisti cett.«*, quo in loco quod ad tertiam personam (*»Is mihi...«*) transeat, molestum censet Wolfius, cum eodem spiritu oratio redeat ad personam secundam; ita prorsus similiter Cicero dicit Pison. 4, §. 2 *»Obsepsisti ad honores errore hominum. Vis mihi etiam gloriabitur, de omnes magistratus sine repulsa assecutum? Mihi ista licet de me praedicare? Itaque Pisoniana quoque Wolfio ad declamatorem aliquem vindicanda erat.*

Si vero idem ille offendit in c. 27, §. 58. (*»Cum Pompejum ferro domum compulsi«*) tamque locutionem sumptam esse ait ex Pison. 7, §. 16, ubi respondeat contrariis verbis *»me domo mea expulsi«*, cum nostro loco potius *»utomi«* continuit, inclusit, expectendus, relegamus dubitantes non solum ad Cic. De domo 25, §. 67. (*»Cum Pompejum ferro insidisque domum coniecit«*), in quo certe loco neutiquam ille offenderat; sed maxime ad Milon. 27, §. 73. (*»Singulari virtute et gloria civem domum vi et armis compulsi«*). Num Milonianam quoque, quae optima fere inter orationes Ciceronianas fertur, ob hanc locum derogabit Wolfius auctori suo? an in Milonianam licet dicere, quod in nostra oratione non licet?

Etiam reliqui qui huc referendi sunt loci, etsi non tam simpliciter res in eis profigari potest, quam in duobus illis, quos modo attulimus, tamen et ipsi facillimi sunt ad explicandum. Veluti si in Summario (p. 305) Wolfius inceptam illam ac parum Latinam Romanorum, qui dicantur, ratum Latinitatem commemorat, totum hujus offensionis vim janit. Os. Müllerus¹⁾ recte eo sustulit, quod vates illos haudquaquam fuisse Romanos, sed Etruscos monuit atque etiam aliud plane similis dictionis ostentariam Tuscum ex Macrobi. Saturn. 3, 7 contulit.

Hoc si reputasset apud se Wolfius, num porro (p. 324 in nota ad §. 9) haruspicum verba *astripitus cum fremitur*, quibus utitur Cicero in extremo o. 44, etiamsi re vera absurda essent²⁾, ipsi oratori crimini dedisset?

Verum etiam ipsius nonnunquam Ciceronis verba impugnat Wolfius, ut statim initio c. 1, §. 2, ubi pro parum Latino *duobus inceptis verbis omnem impetum gladiatoris compressit*, satis usitate ait *¶ Eia duobus verbis prolatis cetera dici potuisse*. At noluisse hoc Cicero dicere videtur, si quidem ex simplici, qualem adhibere ducet, verborum explicatione efficit, nullum potius omnino vocabulum integrum ab eo pronuntiatum esseq; sed tantummodo inecpisse cum quo ac voce ea attigisse³⁾, habere fortasse litterarum initialia protulisse, ut si in diatite dixisset *¶ V. Glor. pro. Videant consules cetera*. Quod Wolfius proposuit quadrasset potius in Milon. 22, §. 33. (De nocturna enim omnium — non audeo totum dicere).

Deinde c. 6, §. 11. (*Admittit meam ne una quidem attigit littera religioem*), ut Ciceronem nobis legere videamur, illico reponendum censet Maehlandus *littera de religioem*. Non vero nos adtipulamur; immo nihil minus; illud quam elegans hoc loco fuisset nam quae praeterea Maehlandus exempla laudat, prorsus diversi sunt generis. Poterat sane dicere *¶ Cuius* (sc. domus) *religionem*

1) Etrusker, II, p. 23, not. 11). V. etiam ZEYSS, Röm. Alterthums-kunde, p. 595, not. 8).

2) quod minime ita est; cf. v. c. §. 20 *astripitus quidem reconditus et horribilis fremitus armorum*.

3) ut infra dicit §. 7, in quo ne WOLFIVS quidem offendit.

... ne una quidem attigit *littera*«; verum *littera*, quae religione aliquid obtineri ostendit, optime vocari potest *littera religionis*: nam significat religionem *littera*, spectat ad religionem, ipsa quodammodo religionis est. Quod autem Wolfius (p. 323) contra Gesnerum monet: »Perbene dicitur *calumnia religionis*, quia dici potest *calumniari religionem*; quid autem simile in isto est?« respondemus ei, posse etiam dici »*littera significare religionem*«: nam ipsum quod non exstat verbum »*litterandi*«, nihil profecto ad rem.

Nemo porro cum Wolfio ad c. 7, §. 43 (»*Ita est enim interpretatio illa pontificum; ut eadem potestatem habeant iudicum*«) minime Ciceronianum esse hoc »*ilda*« consentiet, qui recte locum verterit; sic fere ¹⁾: »*Denn mit jener Erklärung der Oberpriester steht es solcher Gestalt, dass sie cett.*«

Quod deinde c. 8, §. 47 (»*respondi, me, probantibus et vobis et equitibus Romanis, ejus esse civitatis vott.*«) »*me*« illud absurdo loco positum esse censet Wolfius, facile inde explicatur, quod prorsus alienam verbis sententiam subesse opinatus est. Nam haudquaquam Cicero dicere voluit, probantibus senatu et equitibus se respondisse; sed respondit potius, *ab senatu et equitibus probari, se ejus esse civitatis cett.* Quippe suam tantum quisque ipsius, non cujusvis sententiam verbis suis exprimere potest.

Mox c. 12, §. 26 (»*Quod igitur ex aliquo disjuncto diversoque monstro significatum caveremus, id cum ipsum sibi monstrum est.*«) Romanus scriptor ex Marklandi sententia posuisset »*ipsum per se monstrum est*«. Verum necesse erat h. l. »*ipsum sibi monstrum*« dicere; non potuit aliter per sententiam orator, ut quae nullo modo ea sit, de qua Marklandus cogitat. Quippe »*ipsum per se monstrum*« etiam apud illud examen fuisset; at servitium in cavendam immissum non solum monstrum erat, quo futurum aliquod periculum significaretur, sed simul etiam periculum illud ipsum resque portento designata. Ergo si ipsum sibi mon-

1) vel cum KLOTZIO: »*Denn in einem solchen Verhältniss findet jene Auslegung der Priester Statt, dass dieselben die Befugnisse von Richtern haben; und ich wüsste nicht, wie man diess besser Lateinisch ausdrücken könnte*«.

struatur vocatur, nihil aliud nisi ipsum monstrosa sua natura etiam apertius ostendit, quantum ex se periculum reipublicae imminet; id quod clarius etiam fit ex sequentium verborum comparatione. Contra si quid »*disjuncto aliquo diversoque monstro significatur*«, hoc ejusmodi monstrum est, quod, ut plerumque, ab ipsa re, quae portenditur, diversum est; quod non, ut servitium illud idem portentum est et periculum portento significatum. Ubi est igitur mera illa, quam Wolfius his in verbis deprehendere voluit, balbuties, nisi in falsa ejus explicatione?

Jam vero uti c. 13, §. 29, p. 348 (»*alter est rex iudicio. Senatus per nos, pecunia Brogitarum per te appellatus; alterum putabo regem cett.*«) omnia simplicissima sunt ac perspicua, dummodo, id quod apertum est, videas, priori regi illi Brogitarum opponi ideoque hunc esse alterum illum, de quo deinde loquitur Tullius; aeque breviter absolvere licet c. 18, §. 38, p. 360 (»*Homines te defenderunt; homines laudaverunt; homines liberaverunt cett.*«), ubi quo jure, joculari gravitate vocem illam hominum repetitam esse, Wolfius (infra p. 372) existimaverit, quicumque non ab initio praepjudicata opinione ad quaestionem accesserit, videat ipse.

Porro Marklandus quidem ad c. 20, §. 42 (»*Hic, de quo ego ipse tam multa nunc dico*«), quae insit in hoc ¹⁾ pronomine *ipse*, nullam videt vim; sed nihilominus, ut jam KLOTZIUS jure monuit, idem significat quod ubivis, oppositionem, et hoc quidem loco eam, quae inter eos, qui tum rempublicam gubernabant, interque Ciceronem intercedat.

Deinde eodem loco p. 365 legitur »*In domesticis, est germanitatis stupris volutatus*«, ubi in *germanitatis* illis stupris offensio quaerebatur. At stupra, quae germanitatis sunt, quae ad germanitatem (h. e. ad necessitudinem, quae inter germanos intercedit,) spectant, nulla alia esse possunt, nisi quae a germanis inter se committuntur. Nihil igitur video difficile; immo quod Wolfius usitatus fore ait, »*stupra cognationis*«, multo minus significat, quam id, quod ipse de industria elegit Cicero. Nam etiamsi non *germana*

1) vel ut ipse scribit »*insit huic pronomini*«.

fuisset Clodii soror, tamen cognata, propinqua et esse et dici potuit. Quamobrem cum id ipsum socius esset unum omnium totarum, quod cum germana sorore homo ille rem habere non verecundabatur, optime Tullius germanitatis ea supra appellat. Cf. etiam Milon. 27, §. 73. »Cum sorore germana nefarium stuprum fecit.« Cum vero c. 24, §. 52, p. 378 verba *reditus ei gratiae patet*, ubi Marklandus potius *reditus in gratiam* expectaverat, jam a Savelio (p. XXXV sq.) recte ita explicata sint, ut *gratiae* pro genitive, qui dicitur, subjectivo habendum esset; nunc statim ad finem orationis properemus, c. 28, §. 62 (*nunciatur terrae motus cum quibusdam multis metuendis rebus*), ubi cum Marklandus dimittere certe cum pace scriptorem voluerit, Wolfius injustam hanc lenitatem arbitratur. Veruntamen, quoniam cum Marklandiana loci defensione 1) ne nos quidem consentimus, multius prorsus egent verba defensionis. Immo quemadmodum omnino pronomen *quidam*, rem aliquam notam illam quidem ei esse, qui loquatur, sed tamen non accuratius definiendam videri, significat, ita h. l. Cicero, metuentes illas res ipse novit, ille quidem, sed enumerare eas non vult. Quid igitur jam inusitatum? quid falsum, aut indignum Cicerone? §. 2. 302.

De argumento ex similitudine, quae inter nostram orationem et reliquas in Wolfio impugnatae intercedit, repetit.

»At, inquit quispiam, licet singulos locos singulaque verba Cicerone indigna ex hac oratione afferre nequeamus, aliud tamen argumentum pro nobis pugnat minime negligendum, summa similitudo, quae inter hanc orationem interque reliquas Post reditum et De domo habitas intercedit: hinc enim cum appareat eidem omnes auctori esse tribuendas, antea reliquas quoque injuria de veteri possessione motas esse comonstrandum est, quam nobis de hujus orationis auctoritate persuadeas.« — Ac profecto quin ejusdem auctoritatis illae orationes sint, vix dubitari potest, jam

1) ex qua »quibusdam multis« idem esset atque *pluribus multis*.

WOLFIIUS¹⁾ hoc recte intellexit. Optimum igitur sine dubio esset²⁾, de omnibus orationibus conjunctim et universim, quasi de corpore quodam quattuor partium, disputare; sed hoc pro nostrae quaestionis natura longum est ideoque in posterioris temporis opportunitatem differendum videtur; quanquam eodem modo, quo unam hanc orationem ab impugnationum offensionibus vindicavimus, etiam in reliquis nos Ciceronis auctoritatem tueri posse, prorsus tibi persuadeas. Itaque non quidem licet nobis etiam ex hac parte profligare propositum nostrum ac plane ad finem perducere; sed eodem certe jure, quo quis propter reliquas orationes de nostrae quoque auctoritate dubitare possit, nobis contrarium inde concludere licet; quamobrem cum omnino sanequam infirmum ejusmodi argumentum esse necesse sit, nos discedendum hinc statim arbitrati, brevem ejus mentionem fecisse satis habemus.

Verum enimvero licet nontiquam ei nos simus³⁾, qui tantummodo ex nominibus titulisque homines, scriptores, libros aestimamus, tamen hoc jam ex antecedentibus vidisse nobis videmur, plurimis illis, quae ita protulit Wolfius, quasi nihil omnino contra vim eorum ad pondus olimoveri posset, argutentis, internis nihil probris effici; si quidem vel maximum alium, quae singula per se nihil probent, attingentotum nuderunt ad ipsam quidem quiequam probare, inter sanos homines, constat.

Sed quod jam supra de altiore, quam vocant, arte critica monuimus, id et in nostra quidem quaestione tractanda negligimus; ideoque minimo in eo acquiescimus, ut Wolfii quasi tela in ipsam refererimus, sed etiam ipsam sibi auctoritatis suae orationem nostram firmissimo praesidio esse ostendemus.

- 1) p. XLIV infra; Ad orat. pro Marcello p. XXXIX; assentiente Bäckio p. 627. Quanquam centri (in Allg. Lit. Zeit. 1801) h. 98, p. 8) habet de ra. nondum prorsus persuasum erat, saepe citat Schütz p. XVI primas certe duas orationes diversis auctoribus tribuit, quod de Wolfio videtur.
- 2) ut instituebat Saefels p. XLVII; videtur tamen, ut p. 48, dicitur.
- 3) quos jure se non curare ait Wolfius ipse XXXIX; cf. etiam Marquand p. XLVIII; et videtur, ut p. 48, dicitur.
- 4) excepto Schützio; v. nos supra p. 16, (not. 2).

CAPUT TERTIUM.

ARGUMENTA, QUAE PRO AUCTORITATE ORATIONIS NOSTRAE PUGNANT, PERCENSENTUR.

§. 11. *Externa veterum hac de oratione testimonia percensentur.*

Ac primum quidem quanquam et Asconio auctore orationes nonnullas ab obtrektoribus Ciceronis scriptas postea Catilinae et Antonii nomine editas ¹⁾, et Senecae quoque tempore in rhetorum scholis saepius Ciceroniana argumenta tractata esse ²⁾ probo scio, et quid ex Quint. Instit. 9, 3, §. 94 ³⁾ concludendum esset, apud me reputavi, nihilominus prorsus adstipulor Gesnero, qui hac in re neque intelligere se ait ⁴⁾, cur secundum Marklandum is, qui tam praecellrum opus, pignus velut immortalitatis, confecisset, alteri homini quam ipsi hanc laudem tribui maluerit, et difficillimum omnino illa aetate fuisse aliena scripta Ciceroni subicere acerrima disputatione evincit ⁵⁾, ita ut vel Beckio (l. l. p. 617) concedendum sit, probabilitatis speciem habere Gesneri rationes, etsi nondum omnem in se fraudis suspicionem sustulerint.

Uti autem ne simile quidem veri esse illinc videmus, de fraude hac in oratione cogitandum esse, ita externa porro argumenta ⁶⁾, quorum summum in ejusmodi quaestionibus

1) quod urget ORELLI, Onomast. I, p. 68, not. 1).

2) V. WOLF p. XX^o; praef. ad Or. Marcell. p. XXIV; Beck l. l. p. 618.

3) quem locum affert MABVIE, De Ascon. comment. p. 75 sq.

4) pag. LXXXVIII; etsi dubitat hoc de re Beck l. l. p. 617.

5) pag. LXXXIII—VIII; maxima ex parte repetita apud WELSH, Cicer. Orr. XIII selectae, p. VIII—XI.

6) de quibus egerunt praeter WOLFUM p. XVIII sq. et SAVELSIUM p. XII sqq., qui de quatuor conjunctim orationibus disputarunt, MARKLAND p. LXX sqq., Beck l. l. p. 625 sqq., SCHÜTZ l. l. p. XXV sqq., et contra eos GESNER p. XCVI sqq.

pondus esse constat; dubitationibus Wolfianis prorsus obstant¹⁾. Neque enim solum ARNOBIUS²⁾ et VALERIUS MAXIMUS³⁾ locos nonnullos orationis nostrae exscribunt, auctore non nominato; non modo CASSIUS DIO (39, 20) ipsum illud, propter quod haruspices consulti erant, portentum commemorat idque a Clodio ait in Ciceronem versum esse, sed idem scriptor⁴⁾ etiam accusationes Tullium paravisse narrat; immo. QUENTILIANUS⁵⁾ (8, 11, §. 42) *librum de haruspicum responsis* simpliciter Ciceroni tribuit, atque etiam ASCONIUS PEDIANUS⁶⁾ non solum totam orationem duobus locis ad vulgatum auctorem nostrum vindicat, sed vel integrum locum ex ea laudat, qui reapse in nostra oratione (c. 12, §. 24) exstat. Quid, quod eo major necesse est Asconii hac de re testimonio tribuatur auctoritas, quod omnino vidimus⁷⁾ attendisse eum ad ejusmodi quaestiones!

Ac profecto, WOLF⁸⁾ ne ipse quidem, externa argumenta contra se pugnare omnia, negare potuit; quanquam nihilo minus, lectorum animos conciliare sibi quodammodo conatus, internis deinde argumentis contrariam externorum vim debilitare studet. Nos vero, qui illa examine paullo accuratiore instituto statim correre nihilque omnino esse intelleximus, externis, quae fidem antiquitatis in hac ora-

1) nam ex Schol. Bobiens. ad Or. Post red. in sen. p. 248, quae laudat ORELLI (Onom. I, p. 68, not. 1), certi nihil concludi potest.

2) V. MARKLAND ad §. 23, p. 338.

3) de quo quod MARKLAND p. LXXVI (cf. etiam ad §. 16, p. 332) statuit, nullo pacto probari posse, jam supra vidimus.

4) 39, 21 in. *ὃ δ' οὖν Κρίτων ... ὁρῶν τε εἶπε, καὶ κατηγορίας ἐποίησεν*. Quem locum praetervidisse videntur MARKLAND p. LXX et WOLF p. 304.

5) quem ut omnino non adeo magnum criticum fuisse SPALDINGUS (ad Quint. 4, 1, 68), ita MARKLANDUS (p. LXXIV sq.) hac in re erravisse putat; cum tamen in Cicerone diligentior eum fuisse, jure existimet MADVIG, De Ascon. comm. p. 76.

6) in Cornelianam (apud ORELLIUM V, P. II, p. 69 et 70). Cujus auctoritatem universam jam MADVIGIUS l. l. jure contra MARKLANDUM (p. LXX sqq.) defendit.

7) V. supra p. 52, not. 1).

8) Cf. pag. XXVII—IX.

tione defendunt, argumentis admodum in sententia nostra corroboramur.

§. 12. De internis, quae contra *Wolffium* faciunt, argumentis.

Præter veterum autem illa testimonia etiam inter hæc multae rationes contra *Wolffii* orationis nostrae afferrī possunt. Sic c. 6, §. 12 non solum in universa pontificum enumeratione accuratissima vel *Schürzius* 1) apud declamatorem summa offendit, sed magis etiam memorabile est, quod silentio ibi prætermittitur, flamen Dialis, et huius locuti per longum tempus ab a. 87 usque ad a. 11, ergo etiam a. 56, quo hæc oratio habita est, vacuum fuisse constat 2). Num igitur hæc in re *Wolffio* ascribemur, qui: »Id castine, inquit, an doctrinae oratoris adscribam, deus aliquis scierit? Certe vel ex uno hoc loco peritissimum fuisse temporum *Ciceronianorum* scriptorem nostrum satis elucet.

Accedunt autem alii orationis nostrae loci plurimi, qui eum locutiones nonnullas, quas in deliciis habuit *Tullius*, hic quoque usurpatas ostendant, tum universi admirabilem eum reliquis orationibus *Ciceronis* similitudinem præ se ferunt. Neque enim solum *μαθήματα*, quam lubenter adhibuit ille, etiam postro oratori placuerit necesse est 3), sed præterea caedem omnino locutiones, quas *Cicero* valde ad amaverat: ut. c. 1, §. 2 extr. »esse videantur«, quod jam *Quintilianus* monuit *Ciceroni* usitatissimum esse, et similiter c. 3, §. 6 »constituta hostia esse videtur«, ut porro initio p. 310 »gravitatem illam singularem ac paene divinam« 4); c. 7, §. 13, p. 326 »ita est enim« 5); c. 18 in. »mihi crede« 6);

1) l. l. pag. XXVIII.

2) ex Tac. Annal. 3, 58.

3) Cf. c. 4, §. 6 extr. »non modo vincere, verum etiam vincere«, §. 7 »impetum impeditus facit«, c. 11, §. 23, p. 339 »pro festis paene funestis«, p. 338 »ludos ad luctum conferre«, uti allitteratio quaedam conspicitur etiam in c. 2, §. 4 »furiis et facibus«, c. 12, §. 24, p. 341 »ut eos ludos hæc lues impura pollueret«.

4) Cf. *Philipp.* II, 15, §. 39 »ille singularis vir ac paene divinus«, et all. locc.

5) qua de sede conjunctionis enim v. *Kühner* ad *Cic.* *Tusc.* 1, 4, §. 8.

6) V. *Stürenburg* ad *Cic.* *Arch.* ed. II, p. 18 sqq.; *Mahn*, *Miscella-*

c. 22, §. 47 «*aquae graviter equidem*¹⁾», sed aliquanto levius ferebam; c. 23, §. 48 «*posteaquam*», ut dicere solet Cicero pro «*postquam*»; c. 28, §. 57 «*in hoc*²⁾» inesset, non «*huic inesset*»; c. 1, §. 1 et c. 2, §. 3 et c. 4, §. 7 et c. 6, §. 14 «*Aesthro die*», quod «*simplici adverbio*» «*here*» praefert Tullius propter maiorem vim oratoriam³⁾; c. 6, §. 11, p. 322 «*una mea domus liberata sola est*» et c. 7, §. 14, p. 328 «*uno illo solo antistite dissentiente*», quemadmodum haud raro Cicero verba «*unus*» et «*solus*» inter se coniungit⁴⁾.

Immo etiam totae sententiae atque enunciationes ut in nostra oratione leguntur, sic in aliis Ciceronis orationibus occurrunt; neque desumptas eas ex illis, misero declamatoris opusculo tanquam pannos, ut patet Wolfius, assutas esse, vel inde patet, quod non semel tantum illae, sed plerumque pluribus locis apud Ciceronem deprehenduntur ideoque non contra fidem orationis nostrae, sed pro ejus auctoritate faciant necesse est, praesertim cum optime etiam ad univerfum sententiarum nexum singulis locis conveniant. Non absonum erit, ad iudicium nostrum firmandum nonnullas ex eas hic afferre; omissis tamen omnibus, quas reliqui jam interpretes ad singulos locos laudaverunt ex Pisoniana potissimum repetitas. Sunt igitur ferme haec.

C. 2, §. 3, p. 311 «*Mei facti rationem exponere illis volo*» ~ Sest. c. 46 «*Exponam hodierno die omnem rationem facti et consilii mei*»; ~ porro ibidem «*ad consulare officium ipse insignibus illius imperii vocari*» ~ Sest. 7;

nea latinitatis; Lugd. Bat., 1845, p. 41—52; LIEBIGKUS in Jen. Allg. Lit. Zeit. 1846, p. 1186.).

1) Violavit ipse morem Ciceronianum WOLFIVS, cum annotavit: «*Scribere Auctor voluit: graviter quidem, sed etc.*» V. KÜHNER, Lat. Schulgramm. 1845, §. 123, ann. 4.

2) GERNHARD ad Cat. M. H., p. 11.

3) Cf. Philipp. I, 5, §. 11. Sic «*hodierno die*» Sest. c. 16; Mil. 1, §. 3; Deiotar. 15, §. 43; Philipp. II, 43, §. 140; 44, §. 112; III, 2, §. 5; 3, §. 7; 11, §. 28; IV, 1, §§. 1 et 2; 6, §. 16; V, 16, §. 45; VI, 1, §. 3; 6, §. 16; VIII, 1, §. 1; Post. red. in sen. 12, §. 31; De domo 1, §. 2.

4) velut Sest. 19, §. 43 «*hac una medicina sola potuit depellere*»; 62, §. 130 «*unus est solus inventus*»; Caes. 8, §. 19 «*unum sanatorium solum esse inventum*». Cf. apud nos «*Einer allein*».

§. 17 »Consules ad delendum senatum . . . ne illis fastibus ceterisque insignibus summi honoris atque imperii ornatos esse arbitrabantur«; — ibidem p. 312. »praemiis nefariae pactionis¹⁾ . . . extinctam voluerunt, quae quidem pactio nefaria saepius apud Ciceronem significatur, ut Pis. 42, §. 28 (»Foedus quod meo sanguine in pactione provinciarum iceras«); Sest. 10, §. 25; 49, §. 44; 24, §. 53; Pis. 43, §. 30; 24, §. 56 et §. 57; Post. red. in sen. 7, §. 17; ad Quir. 5, §. 11, p. 405; §. 13, p. 440; De domo 9, §. 23; 50, §. 129; cum toto denique nostro loco comparari potest Post. red. in sen. 43, §. 32. »Alter consules ut me: et temp. non modo desererent, sed etiam hostibus reip. proderent, pactionibus eos suorum praemiorum obligata. — C. 3, §. 4 »Cognovi muliebri ornatu emissum« ~ Clod. et Curion. 5, 1 p. 153. ORELLI »quom. decet muliebris ornatu«; — eodem illo loco »Prospexi, quanta tempestas excitaretur, quanta impenderet procella reipublicae« ~ Cael. 24, §. 59 »Significabat Q. Metellus moribundus, quanta impenderet procella urbi, quanta tempestas civitati«. — C. 3, §. 5 extr. »Qui si sensit, quo se scelere devinxerit, non dubito quin sit miserrimus; si autem id non videt, periculum est, ne se stuporis excusatione defendat« ~ praeter locos jam a MALLANDO collatos etiam Philipp. II, 22, §. 54 »O miserum te, si intelligis; miseriorem, si non intelligis!« — C. 4, §. 7, p. 318 »illaqueatus²⁾ jam omnium legum periculis, irretitus²⁾ odio bonorum omnium« ~ Sest. 7, §. 46 »hanc beluam, vinctam auspiciis, constrictam legum sacratarum catenis«; Cael. 30, §. 71 »ex nullius legis laqueis emittendi videbantur«; Milon. 15, §. 40 »Antonius illam beluam, iudicii laqueos declinantem, jam irretitam tenebat«. — Pag. 319 »si quod in me *telum intenderit*« ~ De prov. cons. 9, §. 23 »tela undique intenta in patriam«; Pis. 2, §. 5. — C. 5 (quocum universo cf. De domo §§. 104 sqq.), §. 8 »Pulvinaribus Bonae Deae stuprum intulit« et c. 15, §. 33 »Quo pulvinari? quod stupraras« ~ Pis. 39, §. 95 »stuprum Bo-

1) sic enim scribendum cum codd., non »factionis«.

2) Haec verba »illaqueatus« et »irretitus« WOLFFUS in nota tanquam vagae potestatis notavit.

nec Deae pulvinaribus intulit; Milon. 27, §. 72 »ejus nefandum adulterium in pulvinaribus sanctissimis nobilissimae feminae comprehenderunt; 32, §. 87 »Polluerat stupro sanctissimas religiones«. — C. 7, §. 15 »Domus mea primum aedificatur ex auctoritate senatus pecunia publica et C. 8, §. 16 »quam senatus unam post hanc urbem constitutam ex acrius aedificandam putaret«. — Pis. 22, §. 32 »Patres C. mihi, quod ante me nemini, pecunia publica aedificandam domum censuerunt«. — C. 9, §. 18 »Ego vero primum habeo auctores ac magistros religionum colendarum majores nostros«. — Milon. 30, §. 83 »Movet id, quod maximum est, majorum nostrorum sapientia; qui sacra, qui caerimonias, qui auspicia et ipsi sanctissime coluerunt, et nobis prodiderunt«. — C. 9, §. 19 »Quis est tam vecors, qui aut, cum suspenderit in caelum, deos esse non sentiat ..., aut, cum deos esse intellexerit, non intelligat, eorum numine hoc tantum imperium esse natum?«. — Milon. 30, §. 83 »... qui nullam vim esse ducit nomenve divinum, quem neque imperii vestri magnitudo, neque sol ille, nec caeli signorumque motus, nec vicissitudines rerum atque ordines movent«. — C. 10, §. 20 »ne plura de re minime loquar dubia?«. — Cael. 7, §. 15 »nimium multa de re minime dubia loquor«. — C. 12, §. 26 »Istiusmodi Megalesia fecit pater tuus? istiusmodi patrus?«. — Sest. 59, §. 126 »non patris, avi, ... majorum denique instituta; Cael. 14, §. 33 »non patrem tuum videras? non patrum, non avum?«. — C. 13, §. 29 »Dejotarum; saepe a senatu regali nomine dignum existimatum, clarissimorum imperatorum testimoniis ornatum«. — Pro Dejot. 3, §. 10 »Is rex, quem senatus hoc nomine saepe honorificentissimis decretis appellavisset; 13, §. 37 »Omnium imperatorum de Dejotaro decreta ab omnibus enim his est ornatus ... Senatus verbis iudicia de eo tam multa tamque honorifica eest.« — C. 14 et 15, §. 52 »Vetera fortasse loquimur. . . Veruntamen antiqua negligimus; etiamne ea negligemus, quae fiunt cum maxime?«. — Philipp. II, 11, §. 25 »Sed haec vetera; illud vero recens.« — C. 17, §. 37 extr., ubi Iudit Cicero in appellatione *Bonae Deae* ad Clodii consilia referenda, comparari certe potest cum noto illo Dionysii lusu (*Bonorum Deorum*), quem commemorat etiam

Tullius in Nat. Deor. 3, 34, §. 24. — C. 18, §. 37. «Te judices emiservit extenuum et exhaustum; nemo iudicio absolutum; omnium, condempnatum» ~ Cid. ad Att. 1, 16, §. 4 «nemo erat, qui illum remum ac non millicum condemnatum arbitraretur»; Pis. 39, §. 95 «Emissua etiam illic auctor tuus provinciae... Quis fuit in tanta civitate, qui illum incesto liberatum, non eos, qui ita judicant, pari sociere obstrictos arbitraretur?» — C. 18, §. 38, p. 359. «flagrantas oculis sororis» ~ Cael. 20, §. 49, ubi «flagrantia oculorum» eidem Clodiae tribuitur. — C. 18, §. 39 in. «A diis quidem immortalibus quae potest homini major esse poena: furore atque dementia?» ~ Pis. 20, §. 46 «Me tamen fugerat, decorum immortalium has (furorem et insaniam) esse in impios et consceleratos poenas certissimas constitutas.» — C. 20, §. 42 in. «Hic vero, de quo ego ipse tam multa nunc dico, quid est? quid valet? ... Qui post patris mortem primam illam aetatum¹⁾ suam ad scurrarum locupletium libidines detulit; quorum intemperantia expleta, in domesticis est germanitatis stupris volutatus» (cf. etiam C. 18, §. 39 et C. 27, §. 59) ~ Sest. 7, §. 46 «qui tributus plebis felix in evertanda rep. fuit, nullis suis nervis» qui enim in ejusmodi vita nervi potuerunt esse hominis fraternis flagitiis, sororis stupris, omni inaudita libidine insani?; 17, §. 39 «Cum scurrarum locupletium scorto, cum sororis adultero, cum stuprosum sacerdote ... mihi res erat»; Cael. 13, §. 32 «Intercedunt mihi inimicitiae cum istius mulieris viro; fratres, volui dicere; semper hic erro.» ~ Eodem illo loco p. 366 «mortuorum testamenta non scripsit» ~ Sest. 17, §. 39 «cum testamentario mihi res erat.» — C. 20, §. 43 «Idem iste pudorem, pudicitiam, senatus auctoritatem, jus, fas, leges, judicia violavit» ~ Milon. 23, §. 77 «Per Milonem jus, aequitas, leges, libertas, pudor, pudicitia in civitate manebant» — C. 21, §. 44 «nulla enim potest cuquam mala de rep. merendi justa esse causa» ~ Philipp. II, 92, §. 53 «... praesentem cum omnino nulla causa justa cuquam esse possit contra patriam arma capiendi» — Eodem loco «P. Clodius ... psalterium ... est factus repente popularis» ~ 1) Cf. Sest. 8, §. 18 «repatores aetatum»

~ Clod. et Curion. 5, 1, pag. 153. *Quanti* » quem deest in-
 cressus psalteria; » Sest. 54, p. 116. » In coetum mulierum pro
 psalteria adducitur. — C. 22, §. 46. » Pompejus cupientem
 Italiam, populum Romanum desiderantem, flagitantes vos...
 ad meam salutem excitavit. ~ Sest. 69, §. 115. » Me lugenti
 patriae, flagitanti senatui, poscenti Italiam, vobis omnibus
 orantibus reddiderunt; cf. etiam ib. 41, §. 25. — C. 22,
 §. 47. universa comparanda est cum Sest. 17, §§. 20 et 40;
 26, §. 52; — similiter c. 23, §. 48. cum oratione De domo
 15, §§. 39 sq. — C. 22, §. 47. » Cn. Pompejo, adjutore, quae
 faciebat, facere clamabat. et n. 23, §. 48 extr. » In ipsam
 Cn. Pompejum, auctorem, ut praedicare est solitus, consi-
 liorum suorum invchi coepit. ~ De domo 25, §. 66. » In-
 cum ipsum se convertit, quo auctore, quo adjutore in con-
 clonibus ita quae gerebat omnia quaeque gesserat se fecisse
 et facere dicebat. — C. 23, §. 49. » Tam est illa in templo
 Castoris, scelerata et paene deletrix hujus imperii sica de-
 prehensa: tum ille, cui nulla hostium ditius urbs unquam
 fuit clausa, obsessus est ipse domi. (cf. etiam c. 27, §. 58,
 p. 384). ~ Sest. 32, §. 69. » Initur consilium de interitu Cn.
 Pompeji: quo patofacto ferroque daprehenso ille inclusus
 domi, tandiu fuit, quamdiu inimicus meus in tribunatu; »
 Pis. 13, §. 29. » Tu in imperio, qui omnes omnium gentium
 partes tribus triumphis devinxerat, is se in publico tuto sta-
 nit esse non posse; » Milon. 7, §. 18. » Comprhensus est in
 templo Castoris servus P. Clodii, quem illo ad Cn. Pom-
 pejum interficiendum collocarat; extorta est, confitenti sica
 de manibus; » Post red. in sen. 2, §. 4, p. 18; 11, §. 29,
 p. 58. — C. 24, §. 50. » Dicam quidem certe, quod sentio.
 ~ Prov. cons. 8, §. 18. » Qua de re dicam, P. C., quod
 sentio; » Philippi 1, 11, §. 27. » Consuetudinem meam, quam
 in republica semper habui, tenebo; i. e. libera, quae sen-
 tiam de republica, dicam; » MI. 2, §. 5. » Nunc primum ita
 conyentimus, ut possetis ea, quae sentiremus, libera dicere;
 V, 2, §. 3. » ut, quod sentio, dicam; » De domo 10, §. 25. —
 C. 22, §. 46, p. 371. » nec tamen ita, ut se quisquam, si ab
 isto laudatus sit, laudationem putet ceti.; c. 24, §. 50 extr.
 » Mihi tum de Pompeji amplissima dignitate detrahent, cum
 illum maximis laudibus afferebat, videbatur; » §. 52, p. 377

«statuo; hunc, si amicus esset Pompējo; laudaturum illum non fuisse» ~ non solum Cic. ad Lucejum (Fam. 5, 12, §. 7) «Placet enim Hector ille mihi Naevianus, qui non tantum laudari se laetatur, sed addit etiam a laudato viro»; Sest. 65, §. 137 «a viris sapientibus et bene natura constitutis laudari»; sed etiam similia Vat. 12, §. 29 «Contumeliosissime ei toties maledicis, quoties te illi affinem esse dicis»; 17, §. 41 «Clarissimo viro nonnullam laudatione tua labeulam adspergis; in illorum enim numero mavult T. Annius esse, qui a te vituperantur»; Pis. 20, §. 72 «Quae quidem laudatio hominis turpissimi mihi ipsi erat paene turpis». — C. 26, §. 56, p. 383 «quos manera contra leges gladiatoria parantes, quos apertissime largientes non solum alieni sed etiam sui, vicini, tribules, urbani, rustici repulerunt» ~ de lege illa Sest. 64, §§. 133 sq.; Vat. 15, §. 37; praeterea autem Vat. 16, §. 39 «Te vicini, te affines, te tribules ita oderunt, ut repulsam tuam triumphum suum duxerint». — C. 27, §. 58 «... quem vos patriae conservatorem esse sapissime judicaveratis» ~ Pis. 3, §. 6; 16, §. 23 «Civis ibi, quem hic ordo assentiente Italia cunctisque gentibus, conservatorem patriae iudicaverat»; 15, §. 34 «et veni servatorem reipublicae»; Milon. 27, §. 73 «hunc civem senatus, ... urbis ac vitae civium conservatorem iudicaverat»; Philipp. II, 1, §. 2; 21, §. 51; Post. red. in sen. 10, §. 26; ad Quir. 2, §. 5; De domo 27, §. 72; 35, §. 94; 38, §. 101. — Eodem illo loco «Sustulit duas leges Aeliam et Fufiam, maxime reipublicae salutes; censuram extinxit; auspicia delevit» ~ Vat. 2, §. 5 et 7, §. 18 «quas contra (leges Ael. et Fuf.) praeter te nemo unquam est facere conatus; quae quidem leges antea post, sedentibus in templo duobus non consulibus, sed proditoribus huius civitatis ac pestibus, una cum auspiciis, cum intercessionibus, cum omni jure publico conflagrarunt»; Sest. 15, §. 33 «Lata lex est: Ne auspicia valerent, ne quis obnunciaret, ne quis legi intercederet; ut omnibus fastis diebus legem ferri liceret; ut lex Aelia, lex Fufia ne valeret»; De prov. cons. 19, §. 46 «Statuendum est, legem Aeliam manere, legem Fufiam non esse abrogatam, non omnibus fastis legem ferri licere; cum lex feratur, de caelo servari, obnunciari, intercedi licere;

censorium iudicium ac nationem... non esse sublatum; praeterea Pis. 4, §. 9; Post. red. in sen. 5, §. 11, quos loqui exscribere longum est. — C. 28, §. 64. » Hanc orationem, P. C., tam tristem, tam gravem, non suscepissem, non quia hanc personam et has partes honoribus populo Romano deberem ~ Philipp. II, 3, §. 6 » querela misera quidem et luctuosa, sed mihi pro hoc gradu, in quo me tenatus populusque Romanus collocavit, necessaria; IV. extra c. 6, §. 16, VI, 1, §. 2. » Memineram, quam personam impositam a vobis sustinerem«.

Ex his, quos attulimus, locis perspicitur credo, quanta etiam in sententiis singula inter nostram orationem et reliquas Ciceronianas similitudo intercedat; poteramus etiam alia conferre; alia jam ab editoribus comparata sunt; sed sufficere illa ad consilium nostrum arbitramur.

§. 18. De nexu sententiarum deque dispositione orationis nostrae.

Posteaquam igitur tantum abesse vidimus ut argumenta vel externa vel interna contra auctoritatem orationis nostrae facerent, ut contra utraque nullam fere de auctore Cicerone dubitationem admittere viderentur; nihil jam restat, nisi ut, quam rationem quamque dispositionem in componenda oratione secutus sit Tullius, anquiramus; neque enim desunt¹⁾, qui hanc quoque a more Ciceroniano abhorreere summoque oratore indignam esse censeant. Est autem simplicissima eademque aptissima; haec sermo.

Exorditur Tullius ab excusatione vel defensione ejus rationis, qua paullo acrius die superiore in Clodium molestissimum invectus erat, cum nonnulli iratum eum justo longius progressum esse existimassent. Negat se Clodii potissimum, qui exili sui auctor fuisset, odio neque tum neque omnino flagitare; neque enim multum exinde ad pristinum illius odium accessisse, quem jam dudum republicae potius, quam sibi infensum esse sciet. Eadem de

1) Cf. Schütz p. XXVI »Etsi enim haec oratio in dispositione minus, quam illa pro domo laborat, multa tamen in ea occurrunt inapte dicta«; p. XXX, »Ceterum totam orationis filiam, matrem a Ciceronis elegantia abhorre«.

caussa nunquam eum a se accusandum putavisse, eum civis bono civi pariter ac sibi insidias ille pararet; quod accedere etiam id, quod jam Miloni ille devota et constituta hostia esse videretur. Neque vero contentum eum fuisse eis sceleribus, propter quae commissa Miloni consecratus esset; sed nova eum tela in Cicerohem intendisse; quae certe repellenda sibi armis iudiciorum et legum, conatusque ejus resistendo confutandos fuisse apparere. Quippe in concione nuper habita, ab omnibus auditoribus irrisum, de religionibus neglectis conquestum illum esse ac, recenti haruspicum de fremitu responsione recitata, in ea causa domum esse Ciceronis dixisse ab ipso consecratam. Quo facto necessariam sibi quodque occasionem datam esse de illo responso, propter quod senatus conveniret, verba faciundi, ut et refelleret accusationem Clodianam, et veram responsivim ac sententiam aperiret. Primum igitur (inde a c. 6, §. 11) expiat religionem aedium suorum, ac si scrupulus tenuissimus, finita oratione sua, residere videretur in mentibus senatorum, lubentissime ac portentis religionique obsecuturum ait.

Deinde vero, posteaquam pluribus gravissime de domo sua egit, quoniam absolutis his ipsius causa expedita videbatur, ipse jam (inde a c. 9, §. 18), quid haruspices significassent, exploravit. Itaque cum neptiquam contemnenda ejusmodi portenta esse dixisset, sed more majorum pro ipsa voce deorum habenda, singulas jam haruspicum responsiones percensuit, monstravitque ex eis, de nulla alia re Romanos, nisi de Clodii scelere ac furore ac de impendentibus illinc periculis maximis prope, iam voce Jovis O. M. praemoneri. Quoniam vero acerrime et in Clodium, et vero etiam in Romanos illi propitios inventus erat, ita potissimum finem fecit dicendi (c. 28, §. 61), ut tam tristem tamque gravem orationem suscepturum se fuisse negaret, nisi et debuisse has partes sese reipublicae existimaret, et omnis oratio non auctoritatis suae, sed publicae religionis fuisset. Scilicet in haruspicum responso vocem ipsam deorum immortalium cerni; quos minime, ut in fabulis ferrentur, in terram delapsos colloqui cum hominibus, sed quid vellent, portentis prodigiisque gravissimis ostendere soleret. Pro-

inde cum etiam tunc dii benigni, praemonstratis periculis reipublicae imminentibus, quid opus esset maxime, significavissent, ipsi sibi jam Romani munderessent, rogavit orator; deorum certe auctoritate moverentur.

Non video in plana hac dispositione, quid ineptum, quid longum, quid frigidum sit; non video equidem, quid Cicerone omnino indignum censori possit. Nam quod primum WOLFIIUS (p. 307) prooemium ait occasionem jejune captari ex narratione rerum; quas idem ille senatus superiore die factas viderat; prius consentaneum erat, Ciceronem, quem nonnulli in Clodio aggrediendo irae suae non temperavisse, existimaverant, uti habet opportunitate ad defendendum sese fatigare, posteaquam enarravit paucis, rationem exponendam (c. 2, §. 3). Idem porro vir doctus (p. 324 sq.) de necessaria illa dicendi causa dubitat, quia, si revera et in hoc ipso senatus consensu actum esset de prodigiis illis et haruspicum responsis, non tam misere orator in toto exordio erravisset. Verum neque intelligitur, cur erravisset dicatur orator; et lex ipsa deinde oratione reapse necessariam ex causam fuisse apparet; si quidem revera in illo senatus consensu ex haruspicum responso consulibus referendum erat dei locis sacris, religiosis. Hoc nisi praetervidisset, ut Sequirzius 2) quidem tempora in hac oratione non satis concordare existimasset, nam quamquam jam ante superiorem diem concio illa Clodiana habitata erat; tamen hoc potius die legit de res in senatu, quod in hoc deinde consensu de prodigio illo haruspicumque responso referenda erat. Quod vero MAURITIUS 3) ejusmodi consilia, qualia inde ad caput 19 exponerentur, non

1) Cf. c. 8, §. 11. Ex hoc haruspicum responso decrevit senatus, ut de locis sacris, religiosis ad hunc ordinem referrentur. 2) Si vero verum refertur quod ab sumptu consulto facere debetis, c. 14, §. 8. Si videretur modo, haec non potius in eo (Si G.) quod ab patre testificiam, referri ad vos necesse est; habeo, quae de locis religiosis velim dicere, cum de domo tua dixerem. 3) De Ascon. Ped. comm. p. 76.

2) p. XXVII. Nam si paullo ante hesternum (c. 1) diei Clodius illam concionem habuerat, cur de ea Cicero in senatu postdie potius, quam herigedixisset, admodum potest, ut consilium turbidum sit.

3) De Ascon. Ped. comm. p. 76.

quam ab haruspicihus data putavit; quorum fuisset de eis, quae ad religionem pertinerent, monere, non senatorum de republica consultantium partes agere: haec nulla prorsus offensio potest esse; nam nonne eorundem haruspicum erat, etiam *curare prodigia* senatuique, quid dii immortales eis monerent, dicere atque aperire? Itaque haruspicum erat, ex portenti illius natura monere, v. c. (c. 26, §. 55) ne occultis consiliis respublica laederetur, (c. 27, §. 60) ut providerent, ne reipublicae status commutaretur; senatui autem deinde revera providendum erat consultandumque, quo modo optime universis haruspicum praeceptis satisfaceri posset. — Etiam in extrema oratione censor editionis Wolfianae¹⁾ nihil nisi ineptias deprehendisse sibi videtur, quanquam praeter ipsa verba Ciceroniana nihil pro opinione sua affert. Neque vero nobis illa tam absona esse videntur; immo, quo major portento illi haruspicumque responso vis tribueretur, prorsus ex re erat commovere, ipsam deorum immortalium vocem ex eo cognosci: neque enim aliter illes, atque hoc modo, loqui cum hominibus. — Nec vero postremo, quod orator c. 28, §. 62 etiam terrae motum in agro Piceno factum in rem suam vertit, cum Wolfio (ad h. l. p. 390) levissimam hanc rei mentionem ante portam claudendam nimis putidam existimamus: quis enim mirari potest, quod Cicero, quo gravius animos audientium commoveret, in fine orationis non uno tantum illo prodigio, sed duobus similibus idem deos Romanis suasisse ait?

Quodsi ne hac quidem ex parte claudicare oratio nostra videtur; nihil omnino credo jam restat, in quo quis offendatur. Non nos quidem ei sumus, qui tanquam perfectam omnibusque numeris absolutam hanc orationem lectoribus propinare velimus; sed constat omnino, in orationibus statim post exsilium habitis Ciceronem et remisisse paullulum pristinam vim oratoriam²⁾, neque de ulla alia recogitasse nisi de Clodio coercendo puniundoque. Hunc,

1) in Allg. Lit. Zeit. 1802, n. 98, p. 6: »Wie albern ist der ganze Schluss in Absicht der Gedanken? dass ein Gott unter Menschen sei, soll man immer glauben; aber cett.«

2) ut simile quiddam videmus in Aristophanis fabulis post Pacem editis.

ubicunque datur occasio, aggreditur; in hoc acerbissime exagitando omnes versantur ejus temporis orationes, ac ne augere quidem aliquanto illius vitia dicendo Tullius verecundatur ¹⁾. In talibus igitur non offendendum, neque magis in locis quibusdam negligentius constructis vel certe non plane perfectis ²⁾, si quidem ex eis neutiquam apparet, Ciceronem non fuisse auctorem orationis, sed potius secundum eos non multo antea ille praemeditatus eam esse maximamque partem ex tempore dixisse videtur. Abjudicare quippe orationem a Tullio nemo poterat ultro, nisi MARKLANDUS, qui, quovis pretio summi praeceptoris exemplum et ipse imitaturus, perperam scripta etiam genuina addubitare coepit, nulla ipse Ciceronis notitia accuratior imbutus; quanquam hoc postea ei contigit fortunae, eandem ut WOLFIIUS, praejudicata sua opinione prorsus hac in re occaecatus, defendendam susciperet causam; cujus deinde auctoritati pedissequos viri doctissimi, quorum nimis magnus hac in quaestione numerus erat, illico obsecutos esse, quis est, qui admiretur? Verum enimvero ex sobria totius causae pertractatione patere vidimus, nihil certius stare, quam in nostra quidem oratione nomen Ciceronianum; quaecunque prolatae erant offensiones, evanuerunt diligentius exploratae; omnia omnino, quae aliquid probare possent, pro Cicerone pugnare intelleximus, ita quidem, ut, etiamsi, omnibus delictis testimoniis externis, sola conjectura ³⁾ orationis auctor jam assequendus demum esset, ne sic quidem nos ullo modo de uno designando Cicerone dubitaremus.

1) Cf. c. 20, §. 42, p. 366, ubi jure monet KLOTZ: »Wenn in der Schilderung unsres Redners vielfache Übertreibungen sich finden, so beweist dies noch nicht, dass Cicero nicht Verfasser dieser Rede sei, da ja dieser selbst auch anderwärts genugsam übertreibt.« Idem quadrat ad c. 28, §. 60.

2) veluti de c. 17, §. 37, p. 357 jam supra monuimus; cf. etiam c. 20, §. 43, p. 367.

3) quod postulat MARKLAND pag. L; cf. etiam WOLF, Praef. ad or. Marcell. p. XV.



